



6

康熙歲辛卯是書借鈔於竹垞朱先輩家中多脫
訛不可成誦每一檢讀輒快不樂歲辛丑初秋
偶得洞庭山石君棠先生錄本遂力疾讐校補寫
闕葉于溽暑中日揮汗三斗弗顧也四閱日校畢
雖不敢信為善本然謬譌刪十之八九矣惜鈔書
人字畫潦草率畧異日別得傭書友再錄一過寧
不快甚 閏六月二十又九日蓮涇學人識於四
美軒之西窓時患痢未愈也



作詩為難校正尤難作而不知蹊徑刻鵠猶可冀其
類於鶩校而不知詩之高下清濁鄙雅精粗何足為
校正哉校而不能探作者之指意而妄去取之為何
益故曰校正尤難邑人張君中達學博見高九有前
輩述作一經於目若價者之市物自能識其貴賤而
而價第之故丞于制之定海也得以閒日校正元朝
百餘年間諸公詩歌而板行之其淑人也遠矣哉近
年此板幾於遍傳而君之美意竟泯予懼夫後有
怠於類編選采校理之心則板行亦幾乎鮮矣君
有子曰再隆今充邑庠生憐之以其尊甫校正元

音而不得表白其姓名為恨故徵子言以弁其端
俾觀者開卷即可以見公之用心是亦再隆繼志
能孝之一端也 辛巳九月下澣同里曾用臧追
書

元音目錄

卷之一

劉曰	許衡	元好問	閻復
姚樞	徐世隆	郝經	姚燧
楊果	梁棟	楊奐	李治
張易	林景熙	梁曾	宋道
李鳳	盧摯	周馳	李孟
貫雲石	陳孚	祝蕃	揭傒氏
何失	何中		

卷之二

陳益稷 趙世延 趙半閒 鮮于樞

程文海 趙孟頫 元明善 吳澄

張養浩 文子才 滕賓 劉初

葉李 郝天挺 李京 杜瑛

卷之三

袁桷 盧亘 馮海粟 胡寬

劉致 字木魯 劉伯顏 曹元用

張伯遠 李材 鄒節文原 馬祖常

劉護 戴表元 胡長孺

卷之四

范梈 楊載

卷之五

虞集

卷之六

揭傒斯 李洞 劉汶 郭昂

林鎮 黃伯暘 商挺 貢奎

謝端 陳應麟 宋本 段惟德

李仲淵 黃清老 王沂 周權

羅澗谷 胡尊生 陸文圭 胡東

卷之七

王士熙 薛漢 員怡然 王子東
歐易玄 聶古栢 張起岩 龍仁夫
柯九思 杜本 韓性 黃潛
李坦之 薩都刺 申屠駟 歐陽伯恭
于介翁 達德越士 吳全節 薛玄義
張天雨

卷之八

陳旅 傅若金 柳貫 幹玉倫徒
劉聞

卷之九

張翥 秦不花 雅瑋 李光孝

甘立 鄧德良

卷之十

余闕 丁復 吳師道 韓中村

黃誠性 王思誠 程益 王廓

張九思 吳浩 李澗 威夢鮮

譚復 俞鎮 王瓚 林德陽

楊鵬翼 周伯琦 貢師泰 徐天逸

段天佑 吳璋 桂元 宋無元

彭炳

卷之十一

成廷珪 徐秋雲 張憲 錙鶴心

陳右春 謝宗可 趙君謨 吳炳

吳嵩 張崇 錢惟善 卞宜之

潘純 程文 倪瓚 王冕

李鵬 萬德躬 陳濟洲 楊西亭

陳高 錙敬 楊祖恕 周永言

卷之十二

楊維禎 揭汝 陳廷言 桂瓌

孫庚 陸景龍 廼賢 陳植

劉玉汝 劉倩玉 施子博 吉雅謨


愛理沙 丁鶴年 龍從雲 無名氏

補遺

陳益稷 程文海 滕賓 虞集

元音卷之一

孫元理編



劉曰字夢吉號靜脩容城人太子贊善

黃金臺

燕山不改色易水無新聲誰知數尺臺中有萬古情區：後世人猶愛黃金名黃金爾何物能為賢重輕德輝照九
仞鳳鳥才一鳴伊誰腐鼠弃坐見飢鳶爭周道日東漸二
老皆西行養民以致賢王業自此成黃金與山平不救兵

縱橫落日下荒臺山水有餘清

翟節婦詩

昔金源氏之南遷也河朔土崩天理蕩然人紀為之大
擾誰復維持之者而易之西山乃有婦人曰翟氏年二
十餘其夫從軍死於王事出入兵刃往復數百里晝伏
夜行以其屍歸負土而葬之既葬自以早寡無子遭時
如此思以義自完乃自決於墓側隣里救而復獲終始
一節今八十餘年矣夫人心之極有事變之所不可奪
者于此可以見之余聞之於是作詩俾其外孫田磐刻
之石使翟氏風節如在亦庶幾乎吳人河女之章焉

兵塵浩無際烈士難自全婦人無九首志欲不二天燕山
翟氏女既嫁夫防邊一朝聞死事健婦增慨然生有如此
夫早寡非所憐求屍白刃中負土家山前事去哀益深義
盡身可捐無兒亦何為所依惟黃泉鄉隣救引訣烈日丹
衷懸誰節孝翁重賦睢陽賢我昨過其鄉山水猶清妍
聞風髮如竹飄蕭動踈烟千年吟詩臺峨二大寧願為招
馮太師和我節婦篇大寧山有馮道吟詩臺距翟居甫數十里

燕平學僂臺

碣石來海際西南奄全燕中有學仙臺燕平欲昇天燕平
骨已朽遺臺猶相傳雖復生青松歲久推為煙極目望海

波不見三山巔三山巨鰲簪山人蟻蝨然使無不足論信
有亦可憐大塊與洪鑪金石難久堅天地會有盡何物為
神仙空山無笙鶴落日下飢鷲今古非一臺浩歎秋風前

宋理宗書官扇

有序

杭州官扇二好事者得之燕市一畫雪夜泛舟一畫二
色菊理宗題其背有興盡為期及晚節寒香之句諸公
賦詩余亦同作

天津月明啼杜鵑梁園春色凝寒煙傷心莫說靖康前吳
山又到繁華年繁華既時春已換千秋萬古合歡扇銅雀
香銷見墨痕秋去秋來幾恩怨一聲白雁落西風冠蓋散

為煙霧空百錢襪錦天留在禍胎要鑿驪山宮當時夢裡
金銀闕百子樓頭無六月瓊枝秀發後庭春珠簾晴捲天
門雪棹歌一曲白雲秋不覓金人淚暗流乾坤几度青城
月扇影無情也解愁五雲回首燕山北燕山雪花大如席
雪花漫：冰峨：大風起兮奈爾何

歸去來圖

淵明豪氣昔未除翱翔八表凌天衢歸去荒草手自鋤草
中恐生錙寄奴中年欲與夷皓俱晚節樂地歸唐虞平生
磊之一物無停雲懷人早所圖有酒今與龐通沽眼中之
人不可呼哀歌撫卷聲嗚：

幻安濯足圖

漢家無復雲臺功生平不識大耳公眼中天意鏡中語此
身只有扁舟東閣東諸公亦英雄百年能辦山陽封歸來
老栢號秋風世事悠々七十翁乾坤故物兩足在霜海浮
雲空復空無刀可斷華太尉有死不為丕大中丹青白帽
凜冰雪高山日送冥飛鴻為問蘇家好兄弟萬古北海誰
真龍長公爰文奉次公爰幻安蓋氣質各以語云

采菊圖

天門折翼不再舉拍手四海橫流前長星飲汝一杯酒留
我萬古羲皇天廟堂哀々宋元勳誰信東籬有晉臣南山

果識悠然處不惜寒香持贖君

易臺

望中孤鳥入消沉雲帶離愁結暮陰萬國河山有燕趙百
年風氣自遼金物華暗與秋容老杯酒不隨人意深無限
霜松動岩壑天教搖落助清吟

海南鳥

越鳥群飛朔漠濱氣机千古見真純紇干風景今如此女
國園林亦暮春精衛有情御太華杜鵑無血到天津聲々
解墮金銅淚未信吳兒是木人

過方古故居有序

古金奉定間人常舉進士不第遂歸獨居一室置琴書
其側不妄與人交縣令佐公服候門亦以遜詞謝遣之
有田數十畝食其獲如菽熟惟食菽鄉人好事者欲以
米易之不聽曰是天所食者不可易也監察御史按行
郡邑聞其行上之不振其為人蓋亦近於聖學之所謂
狷史學之所謂獨行者歟先父每奉以律鄉人之貪鄙
者故鄉人至今能道之古後無後其丘隴已為樵牧區
今過其居亦莽為荆棘矣不竟感歎夫發潛德而紀先
賢寔後生之責也頌力未能為姑題詩以紀先父之訓
名姓初聞自過庭山田食力老窮經御閭月旦歸公論者

宿風流尚典型盛事重吟鳧繹集懷賢雖築聘君亭還家
遊子悲千種念舊思親淚最清

銅雀瓦

諸侯負漢已堪憐直筆何為亦魏編却愛曹瞞臺上瓦至
今猶屬建安年

題理宗烟波橫披圖

物理興衰不可常每從運氣見文章誰知萬古中天月只
辨南樓一夜涼

太祖常詠月云才到中天萬國理宗和云
併在南樓一夜涼步故以寓其意云云

許衡

字仲平号魯齋河内人中書左丞儒教大宗師

趙氏南莊

曉起北窗涼清談戢羽觴入簾花氣重落紙燕泥香夢裏
青山好吟邊白日長秋風載書籍相對築茅堂

憶賈君玉

賈君清介士吾輩鮮能羣守志王元伯甘貧范史雲銅臺
書廢讀東郡酒方醺何日尋先約青燈共夜分

元好問字裕之号遺山

箕山

幽林轉陰厓鳥道人跡絕許君棲隱地唯有太古雪人間
黃金貴物外祇自潔尚厭一瓢喧重負寧所屑降衷均義
稟汨利妄智決得隤又望蜀有齊安用薛干戈几蠻觸字

宙日流血魯連蹈東海夷狄采薇蕨至今陽城山衡華兩
丘堙古人不可作百念肝肺熱浩歌北風前悠々送孤月

西樓曲

游絲落絮春漫々西樓晚晴花作團樓中小嬾弄瑤瑟一
曲未終坐長歎去年與君西入關春風浩蕩隨金鞍今年
匹馬妾東還零落芙蓉秋水寒并刀不剪東流水湘竹年
年泪痕紫海枯石爛兩鴛央只合双飛便双死重城車馬
紅塵起乾鵲無端為誰喜鏡中獨語人不知欲揮花枝泪
如洗

結楊柳怨

長樂坡前一杯酒鄭重行人結楊柳
可憐楊柳千萬條看盡入行人手
輕烟細雨綠相和惱亂春風態度多
路人愛此風流樹無奈朝攀暮折何
朝攀暮折何時了不道行人暗中老
素衣今日洛陽塵白髮明朝塞城草
柳色年年歲歲青閨情何事管離情
春風誰向丁寧道折盡柔條莫再生

杏花落後分得婦字韻

懶髓能医病類肥
鷓膠無那片紅飛
殘陽淡不肯下流水溶
何處婦煮酒青林寒
食過明妝高燭賞心違
寫生正有徐熙在漢苑
招覓果是非

閻復字子靜東平人

遺山先生挽詩

蕭寺秋風捲玉荷
月明人影共婆娑
誰知別後驪駒曲
便是先生薤歌露
野史夜寒蟲蠹簡
錦機春暖鳳停梭
祗應前日西州路
常使羊曇忍淚過

廉平章挽詩

海岳儲精五十秋
早聞仙馭躡金虬
梁公獨擅斗南舌
老范長懷天下憂
東閣閑閑蒼蘚合
西山埋玉白雲稠
鳳池人物誰優劣
合在元龍百尺樓

姚樞字公嚴號靈春柳城人學士承旨

被頌問題張萱畫明皇擊梧按樂圖

阿萱五季名畫師尤工粉墨含春姿
名王遊蕩墮聲色不知聲色傾人國
開元無逸致太平天寶奢風生五兵
偃月堂近幽薊遠潛謀不入芙蓉苑
咸陽行色馬嵬塵萱筆雖工恐未真
四海蒼生半魚肉歸來豈為香囊哭
一日重開日月光黃金却鑄鄆汾陽

徐世隆字威卿陳州西華人

挽文丞相

大元不殺文丞相君義臣忠兩得之
義似漢皇封齒日忠於蜀將斫頭
時乾坤日月華夷見海嶺風霜草木
知只恐

史官編不尽老夫和淚寫新詩

郝經字伯常陵川人侍讀學士充信國使

巴陵女子行有序

已未秋九月王師度江大帥拔都自鄂渚以一軍覘上流遂圍岳、潰入于洞庭俘其遺民以歸節婦巴陵女子誓不辱于兵書詩衣帛見意赴江而死其自叙曰巴陵女子韓希孟魏公五世孫婦于尚書賈公之舅璠岳州破被虜之明日以衣帛書詩願好事君子知吾家
有節婦者其詩悲婉激切有漢魏歌謠風氣如天果喪中原大如裂冠衽我本瑚璉器安肯作溺四借此清江

水奠我全首領皇天如有知定作一面請願魂化精衛
填海使成嶺殆數百言辭意壯烈有古義士未到者余
既高希孟之節且悲其志作已陵女子行

北來諸軍飛渡江突騎一夜滿岳陽樓頭火起入閭巷
曹伍偶走如牛羊巴陵女子尚書婦生平不識門前路亂
兵駟出勢蒼皇夫婿翁姑在何處喬敷掩淚行且啼：痕沾
濕越羅衣此身忍使人再辱裂帛誓寫臨終詩上言社稷
安危事下說投江誓天志一回宛轉一悲幸心折竟飛不成
字詩成淚盡赴江流蛾眉蕭颯天為愁芙蓉零落入秋
水玉骨直葬青海頭古來烈婦才一二誰似巴陵更文理

名與長江萬古流丞相魏公還不死

太平頂讀秦碑

岱宗太平頂磨崖皆天齊左列則天頌右刻張說辭文采
與書法不離近代規漢封宛在周觀東秦壇夔出絕頂西
壇前圓平值中峯突兀上有始皇碑年深雨演百裂餘折
作兩峯蹲半規面陽數字仍可辨隙縫重銜苔蘚皮中間
隱約見志可完好可辨唯臣斯拳如釵股直如筋屈鉄踈
玉秀且竒千年瘦勁益飛動迴視滿山更癡當時風雨
有餘怒豈容夸石獨在茲祇應神明愛尤物不肯轟擊常
護持昔年韓文公曾賦岫嶠詩字青石赤皆傳聞漫為谷

嗟涕漣洏何如親登泰山日
覩峰光怪時見絳氣纏金虹
摩挲細讀秦相碑天門高咏來清風
乃知山靈不相負夜宿天邊不忍去
醉倚雲窓重回顧

姚燧字端甫號牧菴洛陽人學士承旨

別王良輔

只聞官罷尚荆州不謂相逢郢水秋
如我避賢三退舍與君為客一登樓
人才妄自金鳴冶世事從渠劍刻舟
明日分携武昌去應煩南夢到滄洲

楊果字正卿蒲陰人

羽林行

銀鞍白馬鳴玉珂
風花三月燕支坡
侍中女夫領軍事
黃金買斷青樓歌
少年羽林出名字
隨從武皇偏得意
當時事少游
幸多御馬御衣嘗得賜
年春水復秋山
風毛雨血金蓮川
歸來宴賀滿宮醉
山呼搖動東南天
明昌太和承平久
北人歲獻蒲萄酒
一散長嘯四海空
繇華事往空回首
懸瓠月落城上檣
天子死不為降王
羽林零落只君在白頭
辛苦趨路傍
腰魚長劍手無鎗
欲語前事涕滿裳
洛陽城下歲華暮
秋風秋氣傷金瘡
龍門流出伊河水
北望臨潢八千里
蔡州新起髑髏臺
只合當年抱君死
君家父兄健如虎
一旦倉皇變為鼠
錦衣新貴見莫嗤
得時失

時令人悲

洛陽懷古

洛陽雲樹鬱崔嵬，落日行人首重回。
山勢忽從平野斷，河聲偏傍故宮哀。
五噫披迓梁鴻去，六印休驚季子來。
惆悵青槐舊時路，年無數野棠開。

過狄仁傑墓

北雞穀裡紫宸寒，神器都歸竊弄間。
一語喚回鸚鵡夢，九霄奪得鳳雛還。
荒坟寂寞臨官道，清節孤高重泰山。
為問模稜蘇相國，當時相見果何顏。

梁棟

四禽言

不如歸去錦官宮，殿迷烟樹天津橋。
上一兩聲叫破中原無住處，不如歸去。

行不得也哥哥，哥哥湖南湖北春水多。
九疑山前叫虞舜，奈此乾坤無路何，行不得也哥哥。

脫却布袴貧家能有幾尺布，閑機織盡無得裁。
可人不來，廉井度脫却布袴。

提壺蘆提壺蘆，今年酒賤頻沽衆。
人皆醉我亦醉，哀哉誰問醒三閭。
提壺蘆提壺蘆。

楊奐字煥然，号紫陽奉天人。

金谷行

洛陽園池天下無金谷近在西城隅晉時花草不復見野
人猶解談齊奴齊奴豪奢誰比數酒酣愛擊珊瑚株後堂
春風滿桃李中有一枝名綠珠千金買步障百金買氍毹
時：吹笛替郎語雲窻路戶長歡娛層階欲下須人扶豈
料一日能躬捐紅飛玉碎頃刻裏空使行客悲踟躕樓
頭小婦感恩死君臣大義當如何

長安感懷

此心直欲作東周再到長安已白頭往事無憑空擊楫昔
人何處獨登樓月搖銀海秦陵夜露滴金芝漢殿秋落日

酒醒隻眼淚幾時清渭向西流

讀汝南遺事二首

軛道牽羊是已非更堪行酒著青衣裹頭婢子那知此爭
逐君王烈燭歸

六朝江水故依然隔斷中原又百年長咲桓温無遠畧竟
苗王猛佐符堅

李治字仁卿襄城人

楊白花

帝家迷樓春晝長紫笙吹破百花香蒲萄凝碧琥珀光
燕語鶯啼空斷腸枕惟紅淚洒瀟湘玉鏡臺前添午粧茜裙

緩帶隻鴛鴦蝴蝶趁雪上叙梁千里萬里雲茫茫
張易字仲辯

送魯齋先生歸山

袞、諸公入省闈先生承詔獨南歸道逢時否負何病老
得身閑古亦稀行色一杯燕市酒春風二月故山薇到家
已及蚕生日布穀催畊隴麥肥

林景熙

聞家大叅南歸

濱死孤臣雪滿巔水毡留盡偶生全衣冠萬里風塵老名
節千年日月懸清淚秋荒遼海鶴古兔春冷蜀山鷓歸來

親舊驚相問禾黍離、夕朝照邊

梁曾字貢父

岳陽樓

樓前秋水健帆開樓上涼風舞袖迴萬里舟航通鳥道四
時雲雨設龍堆江山如此不一醉歲月幾何能再來欲問
老髯求鐵笛月中吹上紫荆臺

宋銜

吹范葯莊韻

家近西湖六月涼蘭舟桂醕芰荷裳海門潮上波濤壯天
竺雲來草木香今日悲吟哦楚些他年著論辨吾亡君才

位置聞人說宜侍詩仙七寶牀

李鳳

睢陽懷古

睢陽城郭劫灰餘風景蕭條市井踈堤接汴梁分駟路地
連齊魯幾兵車張巡戰壘沙沉戟闕伯提封草滿墟瓊重
開元遺寺在石幢猶刻魯公書

盧摯字處道号疎齋涿郡人學士承旨

題釣臺

雲山蒼々兮烟水稠石瀨潺々兮江水流故人兮冕旒先
生兮羊裘使人皆先生兮誰其伊周使人不先生兮誰其

巢由仕止义速兮舍聖人將安求清風兮一絲兮豈為名
鉤蕉黃荔丹兮香火千秋岸下几篙兮榮辱之舟先生一
笑兮白雲收

題淵明歸去圖

留侯晚節沒赤松武侯早歲稱卧龍仇秦復漢身始終淵
明初非避俗翁兩侯大節將無同陽秋甲子法王正特筆
宛有長沙雄易地灞上初山功王弘何恨奉吾足昔邛能
芥平生胸歸來種荳南山中斜川只許桃源通門前五柳
春濛濛落絮不與江波東環堵蕭然吾未窮北窓但有羲
皇風画图不尽千古意詩成一笑浮雲空

采薇圖

服葯求長年孰與孤竹子一食西山薇萬古犹不死
周馳字景遠聊城人監察御史

題五王醉歸圖

晉陽首事成功烈卒入宮門流戰血至親骨肉忍相殘禍
至黃臺那可說讓知幾辭瑤位履霜知是堅冰至華萼相
輝勢使然還許明皇敦友弟當時行樂殊未央賜予無
節息非常出則同遊入同宴五龍躩蹠騰康莊時光昇
如流電虛偽既消誠寔見三子無辜死渭橋太真有寵來
金殿欲心一縱禍滔天社稷生靈不暇憐從此陵夷于五

代干戈喪亂過年

李孟字道復

初科知貢舉

百年場屋事初行一夕文星聚帝京豹管敢窺天下士龍
頭誰占日邊名寬容極口論時事衣被終身荷聖情願得
真儒佐明主白頭應不負平生

貫雲石号酸斋

桃花岩有序

白北山桃花岩太白有詩近人建長庚書院來京師時
中書平章白雲相其成求詩于詞林臣李秋谷程雪樓

陳北山元復初趙子昂張希孟與僕同賦

美人一別三千年思美人兮在我前桃花染雨入白兆信
知塵世逃神仙空山亭伴朝暮老樹悲啼發紅霧為誰
化作神仙區十丈風烟掛淮浦暖翠流香春自活手撚殘
霞背天末几回雲外落清嘯美人天上騎丹鶴神遊八
極栖此山流水杳然心自閑解劍狂歌一壺外知有洞府無
人間酒酣仰天呼太白眼空四海無纖物明月滿山招斷
魂春風何處求顏色

美人篇

仙風雕雪玲瓏温吳姬剪月纖匕昏行雲補髻翠光滑鳳

鳳叫落空山月手摘閑愁八字分春山恨重画不伸
肌濃汗膩朱粉勻背人揮泪妝無痕霜刀自裂石榴
裙閉門不識諸王孫綠烟熏透藍田玉羅帶隨風換
粧束飛鳥啣怨過長門芳菲不忍韶華屋連環步窄
玉珮響霓裳袖濶春風長釧鬆腕瘦奇多情奇手搔
天亦痒錦香帳冷蘭燈沉落花不入芙蓉衾三山
路香銀河深彩鸞高訴愁人心天與美人傾國色不
如更每美人節夢裏梅花夢外身萬古千年對月明

君山行

北溟魚背几千里負我大夢遊弱水蓬萊隔眼不盈

拳碧落香消吹不起茜裙女兒懷遠遊遠人不歸明
月羞宝釵縮髻翠欵流風鬟十二照暮秋女媧煉石
補天手手拙石開露天醜瓊樓玉宇亦人間直指示
君：見否斯須魚去夢亦還白雲身我遊君山

別離情

吁別離之苦兮蒼梧之野春草青黃陵廟前春水生
日暮湘裙動輕翠玉樹亭：染紅泪又聞垓下虞姬
泣斗帳初驚楚歌畢佳人閣淚棄英雄劍血不銷原
草碧何物謂之別離情肝腸刺：如銅鼓不如研其
竹翦其草免使人生為情老

蘆花被有序

僕過梁山泊有漁翁織蘆花為被僕尚其清欲易之
以紬者翁曰君尚吾清願以詩輸之遂賦果却紬
採得蘆花不浣塵翠蓑聊復藉為裯西風刮夢秋無
際夜月生香雪滿身毛骨已隨天地老散名不讓古
今負青綾莫為死央妬欵乃聲中別有春

陳孚字剛中号勿斋天台人衢州治中

出門別親友

停君漢水浮鴨之翠杓聽我嶧山栖鷲之綠桐男兒
拂衣出門去龍泉三尺光如虹君不見磻溪鶴髮釣

魚者偶擲漁竿來牧野白旄麾開炮烙桓圭朱芾
候青社又不見南陽卧龍人不識一朝佐漢坐狼石
羽扇輕搖蛇鳥驚火精焰：天西極旌亭四月柳如
藍紫駟嘶風黃金駮豈無叩牛歌亦有捫蝨談天生
嶮當崢嶸骨蒿萊槁死誰能甘我欲登泰山扶筇款
天關東溟若木如何攀手弄白日青雲間我欲渡黃
河赤脚凌秋波水仙樓閣高嵯峨徑叱海若管蛟鼉
停君翠杓聽我綠桐真人開天六合同夙駟虞鳳凰
飛舞鎬宮有線五色獻于重瞳補舜衣裳山龍華蟲
虎豹九閔兮不可以達吾則脫兕歸來兮丹丘之青

峰長揖二三子目送西征鴻

別離曲

杏花紅壑紗窓雨西欄孤禽弄嬌語翠綃曉帳双娥
愁淚濕菱花怨歌舞龍香記音調哀絃一系指撥春
風前羅衾未暖驪駒發柳條折盡長亭烟燕釵分恨
藏塵玉夢斷雲深楚江綠舞鸞折翅錦字魚目睛
波接紅燭江南賈客千黃金停鞭欲換天涯心泛教
門外苔痕老繡鞋不過屏山陰

居庸関

車稜：石确：車声彭：闕石角馬蹄蹴石：欲落

不知何年兕斧鑿僅每青天通一握上有藤束萬仞
之崖下有泉噴千丈之壑太行羊腸蜀劍閣身熱頭
痛懸度索一夫當關萬夫却未必有此竒嶽嗚吾皇
神聖混地絡烽火不紅停夜柝但有地險今犹昨我
扶瘦筇息倦脚欲扣往事雲漠漠平沙風起鳴凍雀

葛嶺行

葛嶺相君之故居昔年甲第臨通衢錢橫花間斲作
筵錦鋪泉底流為渠後庭三千傾城姝歌舞絕世水
肌膚麒麟銀裳龍綃裾佩以文螺木難珠相君出擁
萬虎士各操關戟左右趨劍履上殿帝賜坐馳蹄七

宝分御厨望塵拜者頌元老伊尹周公所不如豈知
一旦事瓦裂銀鐙鉄鎖載以馱我偶過此訪廢址狐
兔縱橫草焦苦琨台瓊砌不復見已有野人來種蔬
却怪當時鑿隧道挾詐出入潛如狙大臣一身佩天
下版墻複壁何謬欵山童從我一壺酒回首落日悲
歎歎摩挲仆碑共踞坐尚是御賜凌烟圖

銅雀臺

古臺百尺生野蒿昔誰築此當塗高上有三千金步
搖滿陵松柏圍鳳綃西飛燕子東伯勞塵間泉下路
迢迢龍帳銀筵紫檀槽怨入漳河翻夜涛人生過眼

草上露白骨何由見歌舞独不念漢家長陵一坏土
玉匣珠襦鎖秋雨

金陵

六代帝王州寒烟滿石頭星河天北轉江漢水東流
步絕金蓮雨歌殘玉樹秋白頭有漁者犹說景陽樓

樓桑廟

古廟千年後桑阴滿涿州亂山空北向大火已西流
遺恨三分國英風百尺樓里人牲酒莫想像袞龍浮

開平即事

天開地闢帝王州河朔風雲拱上游鷗影遠盤青海

月雁声斜度黑山秋龍岡勢上三千陌月殿香飄十
二楼莫笑青衫穷大史御烟曾見袞龍浮

邯鄲怀古

数點寒峯擁翠嵐叢臺日落見漳南火枯衰子残銅
斗土蝕平原舊玉簪宮閉沙丘空有雀兵吞幽谷已
如蚕回仙逆旅今存否世上黃梁夢正酣

鄂渚晚眺

黃鶴樓前木葉黃白雲飛尽岸茫茫櫓声搖月歸魚
挟巫峽燈影随潮過漢陽更令有塵汗簡册称生無
土盖文章闌干只有當年柳笛舟行人記武昌

鳳凰山

浮屠百尺聳亭、落日雅啼野蔓青故國盡銷龍虎
氣空山猶帶鳳凰形金根輦路迎神駕玉樹歌臺語
梵鈴惟有錢塘江上月年、隨雁過寒汀

鳳凰臺

鳳凰臺上野鳥啼笳鼓連雲日又西天地無情潮寤
莫英雄有恨黍高低殘桁夜雨迷朱雀荒塚秋風怨
白雞空有斷碑蒼蘚裏千年苗得謫仙題

交趾使還

少年偶此請長纓命落南州一羽輕萬里上林無雁

到三更幽谷有鷄鳴金戈影裡丹心苦銅鼓聲中白
髮生已喜歸來身健在夢魂猶覓瘴魂驚

平江

滄浪亭下望姑蘇千尺飛橋接太湖故里空傳吳稻
蟹寒祠猶記晉尊鱸芙蓉夜月開天鏡楊柳春風擁
画圖為問館娃歌舞處鶯花還是昔年無

送羅子有奉亦愚右丞之喪歸杭

風沙萬里一征鞍短帽朱髯淚未乾廣武山川空阮
籍長平賓客只任安故園有夢鶻聲急大厦無依燕
翅寒江左故人如見問為言燈火客金盞

丞相安公延以說四書因以詩呈

帶礪家聲耀八寰中書獨壓紫薇班捧持日月祥雲
上洗滌山_河湛露間綠竹正歌淇澳美赤松聊伴穀城
閒聖門別有經綸事更對青燈話孔顏

泊安慶府呈貢父

共擁旌幢度百蠻今朝忽過皖公山幸承七夜君王
問更喜丁年奉使還旧夢未迷天祿閣新愁猶憶鬼
門關塵纓咲濯滄浪水少伴沙鷗半月閒

與李子梅讀天寶遺事

四十乾坤共紫宸東風只屬倚闌人玉鳧波暖驪山

曉金犢烟橫綉嶺春七夕有釵田羽客千炷無鏡泣
孤臣紅塵一騎君休笑中有漁陽萬騎塵

汴陽龍德故宮

書來海上歎勸休兵已見金輪逐火精醮絕絳樓無
鶴唳朝空丹宸有孤鳴羽袍士尚傳三洞介憤人誰
報六更一代興亡真大夢陳橋驛畔見青城

淮陰侯廟

漢家羅網正高張誰有勲名紀太常戲尔登壇呼大
將危乎操印立真王烟中艸木疑殘幟沙上風濤憶
故囊鐘室千年君莫怨未央宮殿已斜陽

日南感懷

老母粵南垂白髮病妻燕北待黃昏
蠻烟瘴雨交州客三處相思一夢魂

博朗朗浪沙

一擊車中膽氣高祖龍社稷已驚搖
如何十二金人外尚有民間鐵未銷

祝蕃字蕃遠上饒人饒州教授

即席和貫學士月氏王頭飲器歌

單于宝刀寒映雪月氏髑髏飲寬血
泥丸真人醉絳宮麴生時能醉其骨
閑氏夜張蒲萄香拍：春霞艷

秋月賢王起舞谷蟲歌傳飲欢呼兩耳熱
灯前人影半闌殘灯後青燐已明滅
持杯為尔澆磷响胡為對此傷精魂
方虵犹能致惑疾智瑤豈是無心人
頭顱如此當速朽生擒悞入仇家手
忍將鳴鏑射頭曼吁嗟降王尔何有
後來漢使渚水東犹待曲犁挽盟酒
揭祐民字希章浙江人

瘡馬圖

念汝出塞下四蹄疾如飛半夜馳臨關
氣奪戎王圍被鏡踏河水几度向武威
將軍事百戰騰刀不顧肥祇令飲源流
齒老不任靴坡寒莫夙酸嶺瘡春草微

百感函孝意要見駿骨稀但看古英賢工苦常寒飢
何失字得之昌平人

感興四首

大宝隱于石哲匠莫戾真猛虎走四野尺草豈蔽身
來者虎不見投石安足珍所以卞和泣千載共沾巾
飲酒莫啜醕結交當求知論人先論行相馬不相皮
一諷余何敢三諛親亦疑後身入屠釣猶勝坐書癡
人皆欲富貴我豈願貧賤貴雲一差池如葯勿暝眩
幼學苦不多夜思曾得半今也髮盡白梳頭雪滿面
長思愧鄉閭一朝死愚懦

渥洼驥驥兒自有絕塵足錦帳過都門飛來射象目
歎彼轅下姿亦非駑駘物世乏伯樂俦誰識千金骨
所以荷策士烟水日沉沒

招賈元播馬德昌飲

積雨釋炎熱涼炎變清商薄帷納朝景倏尔頽西廂
念我二三子不來復一觴言笑吐蘭菊芬芳粲中堂
仰慕不昨日忽別若殊方况各迫桑榆何以永夕光

方鏡

十八事舅姑机杼任蓬首照面不照心妾不醜
何中字太虐臨江人

贈元復初

暖雲流青堤光風轉芳甸遠在天一涯幽沉限聞見
點、秋歸鴻翩、春來燕天路萬里通胡為絕遐瞻
奇姿奪南國悵望愧踈賤良會慰心宿願君畢歡宴
知非堂夜坐

風雨

前池荷葉深微涼坐前爽人歸一犬吠月上百虫響
余非洽隱淪隙地成偃仰林端斗柄斜撫心獨悽愴
池上風雨來柴扉人跡絕隔水烟氣生林峯半明滅
蛤吹秋草聲深魚驚晚荷折孤坐倚匡牀微紅隱天末

元音卷之二

孫元理編

陳益稷交趾王

大明殿侍宴

班陪玉筍侍紅雲日表熙、瑞氣溫萬派朝宗滄海
濶衆星環拱紫宸尊雍容湛露歌詩什彷彿鈞天入
夢魂孤孽秋毫皆帝力願殫忠赤報深恩

挽河南王

哲人萎笑棟梁傾回首西風涕暗零三世功名今古
史百年過客短長亭手扶紅日名犹在身就黃梁夢
不醒記取汾陽旧勲業紫薇曲種繼芳馨

駕政柳林隨侍

仙伏平明擁翠華景陽鐘發海東霞千官捧日臨春
殿萬騎屯雲動曉沙白鷄鞞翻山務薄黃龍旂拂柳
風斜太平氣象同民樂南北梯航共一家

送元復初

江流脉、草離、黃鶴矶頭酒一卮报国寸心憐我
老論交半面識君遲正當舉鼎調梅日又是長亭折

柳時滿載詩書歸路穩鳳城依約更相期

趙世延

代祀南岳登祝融峯

天風吹我躡雲根一覽群山蟻垤紛瀛海波翻初日
上石坡人語半空聞炎荒作鎮荆吳遠元氣浮形天
地分何日束書煨芋室孤峯絕頂看浮雲

趙半閒

去婦詞有序

里有霜婦子不榦而無室既疾病乃亟為娶且命之
曰為汝娶為宗祀計也未几死而子竟違母言尋出

其婦、以衰麻在身義不得去。被迫逐不可留。因為詩以寫懷云。

落葉不返柯。去婦無歸年。歛袂出故幃。獨影心悽然。君心紙鳶飛。萬里難拘牽。妾如鬢邊花。未衰先弃捐。憶昔初嫁君。姑病在牀前。歲月能几何。衰麻奉姑筵。妾今辭門去。撫棺淚如泉。九原會有知。當為去婦憐。
鮮于樞字伯机

過桐庐漏港灘示舟人

驚流激長灘。百折怒未已。篙師與水爭。退尺進綫尺。技窮解衣下力排。過乃止。維時春冬交。冰雪寒墮指。

我時卧舟中。起視艤有泚。迂踈一何補。辛苦愧舟子。

華鯨引

石上桐孫美如玉。化作長鯨喚僧粥。香爇一擊六根開。剝落皮毛換凡骨。中即却。頤中散。驚初非。爇下鳴不平。披鱗拔角就繩墨。龍門綠綺瘖無聲。昔聞北溟魚。化作天池鵬。今見橫海姿。解作威鳳鳴。蕭然敗棺材。蠢尔牛闌撐。龍騰虎變固有待。不遇賞音徒尔灵。君不見飯牛自賣亦何者。逢時自致千秋名。

望嶧山

東方巨鎮宗岱宗。群山列侍臣。妾同西南崛起一萬

伋却立不屈如爭雄何年天星下天宮墜地化作青
芙蓉外如刻削中空同閬風玄圃遙相通我昔東遊
訪青童群仙招我遊中峰悔不絕粒巢雲松失身設
落塵網中如今可望不可到艤舟空羨冥飛鴻神仙
可奪事未晚安用屑：悲秋蓬吾聞峯陽有孤桐鳳
凰鳴處朝陽紅安得斲為寶琴獻天子為民解愠歌
南風

建德溪行

山截溪將斷川迴路忽通鳥飛青嶂裡人語翠微中
玄圃參差是桃源想像同平生苦行役翻愛打頭風

石橋山面題

旁通日月上星辰有路遙應接玉京仙奕未終人物
換秦鞭不到海波平當時混沌知誰鑿他日崆峒強
自名枯樹重崇事尤異欲從樵者問長生

程文海字鉅夫号雪樓廣平人

題許仁仲詩卷

殘雪詞林退食時小窓開卷鬢如絲音傳正始誰同
調氣逼元和稍自持文字不隨前輩尽風流只許後
人知霜清月冷梅花瘦独对熏炉看欲疑

趙孟頫字子昂号松雪吳興人學士承旨

古風十首

詩亡春秋作仲尼益苦心空言恐難托指事著以深
大義炳如日萬古仰照臨鳳鳥久不至楚狂乃知音
愁來不得語起坐彈吾琴

周衰有戰國紛々極荆榛黃金聘辯士駟馬迎沒人
朝為刻骨讎暮作歎血親終然志力屈奉身俱入秦
相如賦大人出語頗奇恠飄然凌雲意過耳誠一快
誇言入無際自賚塵俗隘安知翻成勸何用名為戒
自有天地來蓬萊几清淺人生空皓首奔世誰得見
瑤臺在何許渺々烟波遠方舟不可渡使我空展轉

絕代有佳人被服綺舛紈蛾眉秀聯娟吐詞馥若蘭
清歌啟皓齒瑤琴發哀彈一彈再三歎聽者涕洟瀾
借問誰家子為言本卽卽

秋凡吹亭樹故葉紛以墜明月耿夜長草虫促經緯
四序苦不淹少壯何足貴展轉復展轉寤寐不能寐
昔為閨中秀今作市門鄙豈無膏舄沐甘心得憔悴
山深多悲風日暮愁我心玄雲降寒雨松柏自哀吟
人生百年後奄然閱重陰念此每不樂天路何由尋
仙人倥傯輩消搖在青岑奈何不尔思委命重黃金
海中有奇樹粲々珊瑚枝由来植物性無煙可推移

如何石氏子樹之白玉墀洛陽經几戰金谷久荒夷
徒令千載下聞者為傷悲

烈風號枯條落葉滿周道原野何蕭索川流亦浩
離居日以遠怀思令人老功名会有時生世苦不早
瞻顧靡所聘憂心怒如擣

浮雲何方來不知竟安之飄飄隨風去汗漫以為期
自古功名士往：事驅馳白駒空谷中誰能如繫維
皎：難見容翻受世妍蚩虛名誠無益不見斗每箕

逸民詩九首

驅車秣駑馬吾將造齊國聞有魯連子倜傥好奇画

一談秦師走再說聊城拔功成不受傷賞高奔振六
翻布衣終其身豈復為世役范：千載遠安往訪遺
跡躊躇東海上向風長太息

四時相代謝榮耀安足恃瓜田引新蔓不見桃與李
知中解其今過坎當復止印生故秦吏乃亦賭詐理
賢我感我怀三嘆不能已

子真初亦士歲晚乃逃之區：南昌尉上疏忘其卑
忠言不見用耿：當告誰飄然弃妻子終身每世辭
抱閔甘貧賤所遺莫我知至今九江濱清風激羣黎
神仙信茫昧此士獨不疑孤雲無定在逝水何時歸

遐思矯一首悵望何由期

悠々空山雲泱々長江流廊廟意不屑山澤聊淹留
故人在天位高步追巢由豈曰子無衣辛苦被羊裘
東京多節義之子乃其尤窮居雖獨善輔世豈不優
汪七千頃波不為人獨清道周言行表蕩然無得名
誰言牛鑿兒乃是人中英當時無間言後世流德聲
思之不可見使我鄙吝萌淳風久已漓此意豈復明
時魚君子者雖賢寧見稱

南州有高士食力事耕稼優游聊卒歲不矯亦不隘
大木行欲顛緋纒豈足賴何為諸老翁栖々不遑舍

斯其非無見明哲自高邁誰能懸一榻待子來稅駕
鹿門何亭々下有避世賢鳳雛隱中林卧龍蟠其間
一朝起高翔斯人獨深潛功名不可為我志久已安
一聞耆旧傳我使心攸然

黃鵠羽翼長一舉思千里幼安本中原乘槎走東海
奔世方尚同遠邇存吾志流風漸異俗敦禮化鄰鄙
子魚平生友胡乃不相委

塵事非所便田園久見招歸來三徑中蔚々長蓬蒿
雖有荷鋤倦濁酒且自澆范々大化中委運將烏逃
唐虞去已遠由來非一朝粲々霜中菊采々忘其勞

烈婦行有序

至元七年濱州軍士劉平之戍東陽與其妻胡俱道宿車下平為虎所得起追及之殺虎脫其夫吾聞之中原賢士大夫如此乃為感激慷慨作烈婦行以詩之

客車何焯、夫挽婦為推問君將安去言往東陽戍官事有程宿車下夜半可憐逢猛虎夫命懸虎口婦怒髮指天十步之內血相濺夫難再得虎可前寧每夫死母每虎生呼兒取刃力每爭虎死夫活心始平男兒節義有如此萬歲千秋可以奉明主馮婦下莊

安足數

題高德符學士桃源春晚圖

宿雲初散青山濕落紅繡絲溪水急桃花源裡得春多洞口輕烟搖綠蘿綠蘿搖烟掛絕壁飛流直下三千尺瑶草離、滿澗阿長松落、凌空碧鷄鳴犬吠自成村居人至老不相識瀛洲仙客知仙路點染丹青寄輕素何處有山如此圖移家欲向山中住

送朱仲陽太平教授

列仙之儒山澤臞手中黃紙新除書教官雖冷實清逸當塗山川如畫塗園我生無能百不如盍不從君

賦歸欵請君為我酌太白矯首南煩心煩紆

謝鱗于伯几為惠琴云是許旌陽手植桐作
仙人已歸白雲中空餘手植青枝桐根柯盤鬱如蛟
龍一朝霹靂驅雷公烈火半藝隨狂風箕子之裔多
髯翁才氣邁俗驚愚蒙抱持未歸尋國工斲為二琴
合商宮我来自此欣相逢持一贈我為我容自我得
此不敢寐中夜起坐彈秋鴻下絃清冷上黃鐘轉絃
更張涕滿胸黃虞已遠將無同恨君不識牙與鐘恨
我不識瞽與矇周南大雅將誰從

題黃素黃庭後有序

此書軌：有仙氣意其為楊許旧跡蓋人間至宝伯
機所藏也

琴心玉文洞玄、金紐朱錦乃汝傳子孫得之可長
年黃素頰粟完且堅橫理如髮約兩邊縱有赤道如
朱絃文居其間走玄螳飛雲卷舒相終始大道甚夷
非使方無為自然有至理誰能精專換骨髓掃除俗
塵不瑕穢目中有神乃識真白玉為軛環車輪裏以
天上翠織仙成人樓居候長生鸞鶴翔舞猿猱輕子
能保子慎勿驚宮室之中夜自明上清真人楊舟許
焚香清齋接神語手作此書苗下土千年流傳子為

主東方青龍西白虎廉不索兮貪勿每

題二喬圖

長江東去水涵涵誰謂河廣不容舸中有喬家女兒
淚何意師昏隨二豪龍虎相爭欲相啖鸞鳳鏃翮將
安逝不見當時老諸葛獨聘醜婦何其高

贈永清曹縣尹

赤縣卽官宰清朝學士班雲端雙履冷花裏一琴閒
鴻鵠宜天路麒麟近帝闕魯當從此召豈待及瓜還

送吳禮部奉旨詣彭湖

爲國建長策此行非偶然止戈方見武入海不求仙

朱紱爲卽日金符出使年早歸承聖渥圖像上凌烟

送翟伯玉雲南省都事

萬里雲南路青山落照邊省卽新紫綬幕府旧紅蓮
見面嗟吾晚覩文竟子賢祗應清泚氣不受瘴溪烟

題孫安之松楸圖

坟墓在萬里宦遊今五年誰人無父母掩卷一潸然
過牧廢苑

一片中原地紛紛几戰爭至今將不去留每後人畊

萬歲山

萬歲仙山聳碧空廣寒宮殿最當中雲移錦石通三

島路遠銀河接兩宮孔雀花濃深駐日鳳凰枝老細
含風年、歲、經遊輦自是昇平樂未終

壽不忽丞相

新築沙堤凍未晞雪餘愛日轉春暉黃鐘律應迎中
氣執法星明拱太微儀鳳自因夔樂至祥麟寧假勇
冠威明堂政爾須梁棟赤日行看到袞衣

溪上

溪上春風吹浪花柳溪頭春水淨無沙白鷗自信忘
机事玄鳥猶知有歲華錦纜牙樁非昨夢鳳笙龍管
是誰家令人苦憶東陵子披向園田李種瓜

題岳武穆王墓

岳王故上草離、秋色荒涼石獸危南渡臣君輕社
稷中原父老望旌旗英雄一死嗟何及天下中分遂
不支莫向西湖歌此曲水光山色不勝悲

聞擣衣

露下碧梧秋滿天砧聲不斷思綿、北來風俗犹存
古南渡衣冠不復前苜蓿肥宛駉裹琵琶曾泣漢
嬋娟人間俯仰成今古何待他年始惘然

和姚子敬秋懷五首

落日孤城動鼓聲樓中画角不勝吹山川蕭瑟秋雲

淨草木凋傷暮雨悲多病馬卿聊暇日數竒李廣不
逢時卷簾白水青山外隱几無言有所思

吳宮烟冷水空流慘淡風雲黯九秋禾黍故園基駐
輦芙蓉高閣炮添愁綉楹錦柱蛟龍泣金沓瑤階鹿
豕遊采玉平生最蕭瑟欲將九辨賦離憂

銅雀春深漢苑空卽卽月冷照秦宮烟花樓閣西風
裡錦繡湖山落照中河水南來非禹跡冀方北去有
唐風溪城秋色催遲暮愁對黃雲沒斷紅

搔首風塵雙短髻側身天地一儒冠中原人物思王
猛江左功名愧謝安昔惜秋高戎馬健江湖日短白

鷗寒金尊綠酒無錢共安得愁中却暫歡

野曠天低木葉疎水清沙白鳥相呼胡笳處：軍麾
滿鬼哭村：漢月孤新亭舉目山河異故國傷神夢
寐俱菊黃欲開人卧病可憐三徑已荒蕪

送陳都事雲南銓送蕙簡李廉訪

送君銓選使滇池却落諸夷自品題明月夢回夔子
北長風吹度夜卽西山連塞雨驛驢滑花落蠻雲杜
宇啼為問霜臺李李士白頭官滿尚驛羈栖

壽王趙公八十

儒仙弭節下蓬瀛燕處超然鶴骨清周室龍韜師尚

父漢廷鳩杖賜桓榮中州大國封全趙東閣賢良位
列卿白髮同僚欣盛事年：未此慶長生

杭州拱北樓

城上高樓接太霞令嚴鐘鼓靜無譁提封內向三千
里比屋同封百萬家心在江湖存魏闕身隨牛斗泛
仙槎奉頭便覺長安近時倚闌干望日華

東陽八詠樓

山城秋色淨朝暉極目登臨未擬歸羽士曾聞遼鶴
語征人又見塞鴻飛西流二水玻璃合南去千峯紫
翠圍如此山川良不惡休文何事不勝衣

送吳思可提管汀州

七閩南去路崎嶇五馬承恩出帝都地氣喜聞今有
雪民生寧似昔無禰山城酒美傾鸚鵡旅館春深聽
鷓鴣它日相思應悵恨離筵不忍賦驪駒

送閻子靜廉訪浙西

翰林華蓋逼青冥憲節乘駟出帝城海內文章歸渾
厚湖西民物望澄清姑蘇落日荷花淨震澤秋風橘
袖明憶向玉階承草詔早聞黃閣慰蒼生

送戴真人歸越

躍馬年：塞北遊春風此日送歸舟山中樹老飛玄

鶴江上莎長卧白鷗未許謝公同
隱逸肯容賀老獨
風流山陰道士如相會
沽取松醪醉未休

餞董尊師还山

太極山人壽且康
法宮高砌佩琳琅
山中學道絳龍
虎天上觀光翳鳳皇
玉璽曾蒙五色詔
金尊还賜九
霞觴于今更許崑山去
萬里雲林江水長

送張秋泉还山

上界仙人不可招
九重丹詔許逍遙
已從萬里開真
館又入天台訪石橋
紅日玉堂香冉冉
碧雲金山路
迢迢何年再覓神州觀
芝草琅玕雨露饒

送吳真人謁告崑山二親八十之壽
兼降香名山

許邁楊羲奕世仙
木公金母共長年
班衣婦戲鄙君
側絳節朝辭玉帝前
去去青牛隨紫氣
九九飛白鶴繞
香烟大椿自得人間壽
八十從今數八千

送蕭萬戶鎮閬州

錦屏山下蜀江青
閬州城南春意生
投壺今見詩書
帥樹羽遥連鼓角
營遠戍固須煩將畧
雜畊因足見
民情梅花到日應如雪
折取繁枝一寄聲

贈脫木見松管

將軍鐵馬擁珣方壯歲分符鎮越中山水多情面賀
監兒童拍手愛山公紫髯似戟君猶壯白髮如絲我
已翁悅禮敦詩殊不忝者君真有古人風

海子上即事

小姬劝客倒金壺家近荷花似鑑湖游騎等閒來洗
馬舞鞋輕妙近九臯油雲判汗纏頭錦粉汗生憐絡
臂珠只有道人塵境靜一襟涼思詠風雩

錢塘怀古

東南都會帝王州三月鶯花非旧遊故國金人泣碎
漢當年玉馬去朝周湖山靡靡今犹在江水悠悠只

自流千古興亡盡如此春風麥秀使人愁

登金陵雨花臺遂至故人劉升亮墓

雨花臺上看晴空萬里風烟入望中人物車書南北
混江山襟帶古今同魚龍未蟄霜先頌鳳鳥不鳴江
自東綠髮劉伶緣醉死往尋荒塚酹西風

酌突泉

灤水發源天下無平地擁出白玉壺谷虛只恐元氣
泄歲旱不愁東海枯雲霧潤蒸華不注波濤聲震大
明湖時來泉上濯塵土冰雲满怀清興孤

次韻左轄相公

昔年閭里自浮沉，郎省那知遂有今。
老去馮唐堪底用，愁來莊舄向誰吟。
上林柳葉春猶淺，西塞桃花水正深。
知己如公居鼎鼐，不應去此泣南音。

題趙子敬御史志養堂

志養堂前駢馬蹄，融和喜氣動庭闈。
能令將種為書種，可是班衣勝綉衣。
手樹叢萱侵雪色，心同寸草報春暉。
不須更上陳情表，親壽康強世所稀。

絕句三首

春寒惻惻掩重門，金鴨香殘火尚溫。
燕子不來花又落，一庭風雨自黃昏。

午枕花前簟欲流，日催紅影上簾鉤。
窺人鳥喚悠揚夢，隔木山供宛轉愁。

庭槐風靜午陰多，睡起西牕日影過。
自笑老來無復夢，隔看行蟻上南柯。

杭州雨中

江南十日九風雨，花柳欲開魚好春。
却憶京城二三月，秋千風暖漲香塵。

部中莫婦寄周公莖

日暮空堦生白烟，歸來羸馬不勝鞭。
明朝又逐雞聲起，辜負日高花影眠。

和黃景慶雪中即事

公事幽閑子不知
微官束縛我堪嗤
年來筆硯荒蕪甚
旋理耰鋤墾思詩

梅花

灑洒江梅似玉人
倚風無語澹生春
曲中桃李元非侶
夢裡梨花恐未真

湖上莫歸

春陰柳絮不能飛
雨足蒲芽綠更肥
祇恐前鷗驚白鷺
獨騎欵段繞湖歸

題水仙

翠袖盈：不受扶天風
縹緲降麻姑
便應從此東吳去
几見蓬萊弱水枯

題杜陵浣花

春色醺人苦不禁
蹇驢馱醉晚駸駸
江花江草詩千首
老盡平生用世心

采桑曲

野雉朝雊：且兀誰家女兒
采桑歸歎折花枝
掉鴉髻
還愁草露霑裳衣

元明善字復初清河人湖廣叅政

跋南嶽壽寧觀碑後

朱陵靈白天柱魏太虛宝洞綠烟扉上館赤帝朱鳥
飛九祝融宅南參烏旂羲娥兩曜愁蔽虧象緯冷逼嗟
位迷四覲燕吳與秦齊恒嵩泰華孰崇卑五氣順布
百志熙流祥阜物宣后祗雨風露雷豈其私惠尔下
土尸者誰中有異人餐赤芝夜眠秋霞晝天倪衣以
青雲裳白霓風車八極駟兩螭七十二峯足幽棲琳
宮貝闕輝陸離潛光煉魄如嬰兒大丹入咽無渴飢
誰其思之吳宗師神變倏忽方張弛冷然御風渺何
之太君歲晏嘉子期千秋萬歲受鴻鑿皇圖景運永
以丕手持芙蓉朝紫微施旋旄天闔此來歸彰靈蒼

既達尔垂磨崖鐫我瑤華辭

吳澄字幼清号草廬臨川人翰林承旨

徐州怀古二首

籍也楚世將江東八千兵儉儉脆肌骨上國足橫行
乘憤西入秦畫錦歸彭城喑鳴千人廢諸侯莫敢爭
竟坐勇力比漢以寬仁興

斯文六經後百世一昌黎飢寒三十年一朝從隴西
生死終不召感恩報已知徐牧亦何人燕樓貯歌姬
翻、傷弓鳥誰暇捧木栖丈夫出處難淚洒符離睢

別趙子昂

畸人坐書癖殊嗜流俗笑解弦三十秋已矣鍾斯少
近賦遠遊篇上下四方小識君維楊驛玉色天人表
伏梅千載事疑讞一夕了詩究正始上白晝雲龍矯
樂經久淪亡忝管分毫杪焚篴十二譜苦志諧古調
科斗史籀來篆隸楷行草字體成十家落筆一如掃
草木蟲魚影自植自飛跳曲藝天與巧誰是窺奧突
肉食眼多按劍橫道宝鶴書徵為郎瑚璉愜清廟班
資何足計萬世日杲：蹇駑勵十駕天下與君操

題閻皂山

漢吳仙跡兩峰齊欲拾撝華路恐迷寶殿青紅疑地

湧林巒蒼翠接天低九重香案分雲篆八景琅函記
玉題仙鶴翔空清似水步虛聲在朵雲西

張蒼浩字希孟号雲莊老人濟南人

王內翰哀挽

束髮耽經晚益勤平生精力尽斯文前朝十老今餘
几當代三王獨數君李賀屢煩韓愈駕羊曇空阻謝
安墳玉堂寥索人何在落日溪窓滿白雲

贈李祕監

畫御容
至治間自

封章曾積殿庭間凜々丰儀肅九閔迴首橋山淚成
血逢君不忍問龍顏

文子才

次元復初韻送虞伯生代祀江瀆

成均十載攷遺經未識沙墩長短亭旌旆曉霞穿化
日文章秋月映華星鳥鳴春晝岷江白鷓沒天低龍
樹青四海車書今混一摩挲劍閣重鐫銘

滕賓考玉霄雅陽人江西儒學提舉

感高六首

宇宙忽空濶飲馬萬里流平生負兩眼及此行寓州
天清健鶻運木脫飢鷹投長風吹海雨濯我紫綺裘
相逢半游俠把酒髯如虬慷慨說史記歷々山川秋

向來衣帶水目短河魚舟

吾愛東方朔高揖金馬門向非玩六合安肯來崑崙昂

昂九尺身談辨黃河翻誰知上書意蛾眉非自昏不
見馬相如俛首猶監息人生非桃李何故不自言

吾愛李太白玩世如游龍自知天上謫何必人間容
海風吹綠髮蕭々卧雲松我昔夢見之遺以金芙蓉
清輝恍在眼月落蛾眉峰

西風桂花落我上天台山仙子扶我手冷然蒼水環
乘鸞者誰子九炁渺難攀三生此遊戲弄影銀河灣
空山忽風瀑四顧鳴潺湲長揖馬子微此豈非人間

春風如綠波，淡蕩洛楊柳。高樓語錦瑟，落花泛綠酒。
何人白鼻駒，蒙茸紫貂袖。一字或未識，銀兔懸兩肘。
煌煌貝宮珠，迺落緯蕭手。爰居偁鍾鼓，犧牛竟文繡。
終然同一尽，豈復論好醜。誰知草玄者，窮巷閉白首。
舳頭書十乘，舳尾酒百壺。盡書在眼落，月如明珠忽。
悟八陣法，縱橫如河圖。惜哉經世士，未有窺唐虞。季
子相六國，所見惟陰符。

吟人

吟人瘦倚曲闌干，酒醒香銷午夢殘。燕子不來春社
去，一簷疎雨杏花寒。

刘禘字京井渾源人

古意

秋江有芙蓉，顏色好鮮潔。褰裳欲采折，水深不可涉。
嚴風下飛霜，芳艷空凋歇。悵望一長歎，臨川無桂楫。

送雷伯威

朔風起天末，落木鳴空山。冰霜正凝沍，遊子百里還。
出郭送將別，徘徊上高原。如何睽離情，對此芳歲闌。
壯士志四方，不須涕洟瀾。人生非山海，会面亦不難。
願子崇明德，餘功振文翰。長因東南鴻，惠我金玉言。
葉李字太白，諡文簡。富春人中書右丞。

壽馮大使

帝遣皇華遠有光可能白首老中郎雲臺偉蹟推馮
異天榜魁名說馬涼花柳無私春鼎：松椿不老歲
蒼：傳聞又攬澄清響一道平反福更長

郝天挺号新齋官右丞

麻姑山

路入尋幽景便嘉石田瑶草帶烟霞注經洞古已遺
梅養藥爐存失旧砂青鳥空傳王母信綠鸞應到玉
皇家岩扉不掩春長在老却碧苑無數花

李景字景中真定人

留別都城諸公

蒼龍隻闕鬱峯先曾侍鶴鸞趁早朝往事已隨塵袞
袞虛名贏得鬢蕭：長林豐草空相憶瘴雨蠻烟苦
見招借問都門：外柳為誰留着最長條

杜瑛字文玉号緩山

弔故宫

月上觚稜枿壁濕飢鳥啄碎琅玕石劫灰瓦尽海揚
塵廢殿荒臺土花碧洛陽書生汴梁客一夜秋風頭
欲白尊中賴有酒如泉醉倚寒窓破愁寐

秋思

壯心忽忽劇懸旌秋氣能令客子驚白雁不聞雲外
過清霜先向髮邊生銅駝巷陌周東土金鳳樓台鄴
北城千古繁華俱一夢空餘草木戰風聲

征南口號

春早雲南麥已黃瀘江蒸霧水如湯馬蹄半帶陰山
雪變作人間六月涼

元音卷之三

孫元理編

袁桷字伯長号清容四明人參知政事

次韻元復初春思三首

凍樹回青陽羈禽競新哢喧上人語浮稍上春事動
澄心絕芳華小睡足幽夢上覺天宇新朝光集飛棟
浙塵逐平皋秀色翳榛莽油雲互東西鬱抑不能雨
昭蘇在玄功竟夕復延佇何當扶其顛振翮窮委羽

遠客芳草思湛：天外舟坐令親知
疏低徊此淹留
古樹攢奇石清流
匯芳洲素心諒有在
胡不為茲游

送即明道四首

仲連匡世姿揮手却秦軍
掩袂停白日登車抗浮雲
射書誠草草孤城死生分
辭榮敦厚俗矯抗離其羣
虞卿舌轉丸揣事精微芒
事危見交態窮愁名益光
黃金散逝水白壁凝丸霜
丈夫有定志得失非豫防
梅生一尉微喋喋正天紀
洗心洞玄化削跡無妻子
龍變孰為馴蟬蛻乃真止
松迴風冷：水落石齒：
襄陽孟浩然拂衣歸故山
放浪岩壑深流泳遺人間

舉袖林花落擊楫江鷗還
羊公何墮淚水聲日潺潺

送王繼學馬伯庸分院上都二首

玉京高處雪流脂連棹鷁翅系
鬢垂蹠蹠有泥歌獨
漉琵琶魚夢說相思
黑河旧樂催填譜白海名花掬
進詞羽獵上林俱罷賦
卿雲何以報明時
淺波平疊積漫：拂嶺青帘
卷畫看毡屋起營羊
腓熟土房催頃馬駟乾
桐官走驛傳金梳冰正分
奩貯玉盤莫上卿台望
南北白雲微處是槍竿

覲物

黃河不信從天下濟水那知有伏流
自古乾坤合神

化空將簡牘費冥搜張華博物身終死鄒衍談天舌
竟休我亦從今銷綺語春風碧眼玩沙鷗

寄開元奎律師

雙塔亭、透夕陽芭蕉深處碧窻涼江神夜聽光明
偈天女朝分解脫香齋鉢午空鳥守樹經堂雲冷鶴
歸房平生欲結西方社似恠淵明作吏忙

無題次馬伯庸韻四首

金縷歌殘月滿江玉顏曾憶侍油幢象床雲重思專
一鯨錦波翻賜疊雙春淺正宜毡作幕夜涼深恨鮑
為窻浣紗可是無靈匹側足寒溪濺石滌

翠簾匝、護朱光千葉宮桃滿院香閨苑有鸞通尺
素虛橋無鵲寄流黃上林賦罷歸巴蜀興慶工詞謫
夜即不是月中清親度曲世人那解聽霓裳

相期未似石城潮日望晴虹結綵橋却月眉愁歌漸
遠凌波步近意非遥抽琴有恨迴清角疊無塵轉綠
腰弄玉最怜隨鳳去秋來誰與伴吹簫

白髮詞臣兩耳垂華腴准笏陋牛醫宮娥引燭催麻
日院吏傳更寫制時蠟撚化生秋夕賜翠標疊勝歲
華移低頭欲說唐朝奮願侍虛皇進玉卮

海狗巢石圖

峭壁層峯負六鰲，葑欄花檻翠周遭。如何函史同群
吠，不與君王繪旅獒。

葛仙翁移居圖

翁媪相携入翠微，轉頭犹有可憐兒。丹砂不是神仙
藥，勾漏歸來鬢已絲。

宮女度曲度

望瀛法曲紫霞觴，更按伊州奉玉皇。翠竹涼淡宮院
密，新聲那得過宮牆。

次韻王繼學竹枝宛轉詞

聞郎腰瘦寄當歸，望尽天边破鏡丸。昨夜燈花圓如

粟，倚門不肯送郎衣。

盧亘字彥威，汝郡人，翰侍制。

送鄧善之提奔江湖十首

北門古深戾，論思寄籌度。自非鴻才士，訓誥何犹作。
夫君出已蜀，文采動京洛。十年掌系綸，擒操揚景鏢。
荆璞抱瑾瑜，龍淵淬鋒鋸。肯敵上林賦，寧居天祿閣。
即令觀浙江，春戀希金雀。黃圖鬱紫氛，絳節生碧落。
依然唯為情，清霜養九藿。

春秋戾筆削，凜若執玄鉞。君獨抱遺經，結髮飽劓劓。
明剖是非心，微探義理窟。下視羣兒愚，爭端王正月。

竭來奮直筆浩然心思竭王公與帝德昭日月揭
胡為厭詞林披歆觀溟渤榮華若浮烟汗簡清不滅
詞林富聲華凡人得精悍悠三百年篇翰孰承續
夫君清廟器祿存盛主瓚五就惜繁縷九游載雲罕
依鳳向翔忽月新滿冷然時雨情短章不可斷
風雨妬芳華稂莠深嘉穀天地豈不仁盛德稟命獨
明廷萃羣英四門延穆既卜渭水釣又起傅岩築
聲華何岌業象輻輳一轂壑坡候清韻碩人歌在軸
願言往從之星駕命宜夙豈知彼玄鳥戢翼辭雲屋
幸無素系悲庶免窮途哭

離天星高皓雲月光候雁過楚澤蟋蟀鳴中堂
天時諒難測徒然多感傷念子去意遠沉憂結衷腸
憶昔初奉歡露白春蘭芳清尊罷新製妙趣深濠梁
九景急西匿川流浩蕩湯玄髮淒歲晚木脫天而霜
蔓草豈容惜松柏在高崗

翰林子元子武庫森戈矛英聲邁千古逸韻橫九州
與君契金蘭投分何綢繆清和謝夷惠典刑追韓歐
坐令人文煥允塞昭王猷念君獨遠邁寥落行人愁
木瘦楚山曉風淨寒江流何年駕九車却宴崑崙丘
塵埃滿腥腐朝莫同蟪蛄

賜谷上寒日影射扶桑枝瞬息及中天流光迅難持
人生百年內昂、何所施孤鴻東南浮雲西北馳可
怜萬感身會合須臾期安得弄明月皎、遠憂疑折
花芙蓉浦蕩槩江潢涯優游以卒歲身名良不隳
游雲蒼鱗穹閭闔不可叫徒令虎豹關日月近輝耀
濛、八表塵隱、萬彙竅泯然一歸途伊誰執其要
栖、聖者徒礼樂怀竊渺閉門忍朝飢風雨深蓬蓽
今年江海去光景短當燭禾黍滿故墟閨巷餘返照
揮絃送九鴻今古人長嘯

昔我適吳今日夕承欢顏高堂樂起舞綵服何編爛

東潮洶波濤西湖翠烟鬟北歸餘十年謬跡通朝班
家禍一朝集音容何可攀悲號蒼穹殉往事思日艱
命窮時亦迫志弱體自孱安得騰化術從君超人寰
執手不忍訣臨風涕空潸

我由君勿思君歸我當憶十年膠在漆一旦各異域
吳江激微波震澤起暝色鷗鵬隔天地雁鷺雜南北
念我平生友愴恨摧胸臆獨看燕山雲歲暮日初昃
永言長風翔情寄南風翼

題金顯宗墨竹

天人賦物如天工墨光洒竹回天容千年勁玉寒不

死清波照響悲吟龍烟凝草綠承華殿鬼冷秋霜月
如練長毫寫影竹不知子夜歌殘空記面春雲一散
風吹塵茫、海色翻青鱗金仙淚痕愁漢月尚怜玉
軸隨時新夢跨茅龍上天去女媧補天、不語海綃
画寫生翠羽踏破銀灣濕河鼓射龍江深春不度風
色蕭、怨千古

題張國綱理閩塞河詩卷

導河積石克解憂滔天之水成安流何年決鑿半南
土清淮怒卷黃雲愁宣房既築漢歌喜越巫抱壁神
光起害除梁楚二渠成海溢西南九河死後來羣策

知誰賢何人捧土能防川彭城樓堞照黃土河平堰
石愁金天吾皇放勳超萬古澤世餘功平水土睢陽
塞決付賢侯解變狂瀾作安堵于今此功寧復有從
容小試經綸手千年遺愛在邦民春風吹水濃如酒
馮海粟名子振

塔燈

擎天一柱碍雲低破暗功同日月奔半夜火龍蟠地
軸八方星象下天梯光搖灑灑沿珠蚌影落滄溟照
水犀文焰逼人高萬丈倒提鐵筆向空題

胡寬

大明宮早朝

蓬萊拂曙色，燁煜舒祥光。九儀肅清蹕，日月開旂常。
聖人握金鏡，繡衮臨常成。英倫雅奏圭，璧輯羣方歡。
燕洽湛露敷，息奐龍章。謳歌罄率王，豈樂逢時康。曲
文極藻績，聲烈昭前王。魏、纘鴻緒萬年斯，無疆。
劉致字時中，河東人，翰林待制。

青樓曲

峭寒暗襲雲簾綺，鮫帳惜、夜如水。美人骨醉紅玉
軟，滿眼春酣不歡起。幽禽閉、喚霜曙。金壁屠蘇溢
香霧，有生只合老溫柔。璧月長教掛瑤樹，鴛鴦同心

暗中結滿意，芳蘭暖紅雪。癡雲駭雨自年、不管人
間有別離。

秋雨吟

濕螢閃光飛不起，八尺風漪夜如水。仙姝不眠肌骨
清，起馭夜涼吹玉笛。曲中忽作孤鳳鳴，天帝感泣秋
雨零。旱龍喝死嗟莫及，坐見扶桑落葉濕。前溪水高
龍夜吟，不帶西郊老農泣。

淮南歌

甓社湖中出明月，斯頃千山萬山白。燭龍馳影不敢
眠，淮土風烟暗無色。鼉鼉起啼，鯨舞荷風驚濤戰。

南浦湖天無光湖水立夜半行空洒九雨東方探
天欲曙畢逋啼老扶桑樹淮天幽澹空素老蚌潛
輝碎無處

姑蘓臺

麋鹿應知易代頻吳越誰唱不堪聞捧心臺暗梨花
月扶目門深薜荔雲江閣水犀歐冶劍氣騰金虎闔
戶墟計然已死鷗夷逝寂寞五湖西日曛

燕中懷古

荆卿坟上草離離郭隗台前对落暉戰國山河秋氣
肅中原豪傑曉星稀乾坤納無人識南北年有

雁飛誰似盧橋滌畔柳安排青眼送將歸

字木魯邠字子翬色目人翰林學士

范坟詩有序

宋蜀即開國公范鎮景仁諡忠文其一世盛德偉烈
光著史籍人固知之其葬在襄城汝安鄉推賢里載
東坡集中甚詳襄城故隸汝州邠來訪問故老其故
倏然尚在已為野夫豪農耕為禾黍之區矣范氏當
金季犹有居坟左者自經兵燹不知所存村事歎閔
故為作詩以紀其槩幸在官君子知其為先賢墳壠
庶有以處之

忠文我眉英始也跡甚微堂：薛簡肅歟海隼西南
允其人古廉守肯持藹督歸所得一偉人天下大布
衣引以賓王家光映春官闡昭陵宋仁主前星久無
輝犯諱言所難雷電每霽威雄哉煉石手妙補天巍
魏丞相江南來雲掩扶桑暉奮得陳苦辭往：阨謗
訛諸賢抗章疏弱卒改堅圍公力幹禹鼎正氣阡黃
扉荆舒憤至骨斥語筆自揮贈以之蕙蘭何往無芳
菲時公與司馬声諧玉琴徽解冠掛神武甘老西山
薇九寓日督：赤子將疇依西公幸無恙起極或庶
幾嗣君元祐初痛洗前人非民望屬司馬欲邀天為

鞅帝命起公卧門久車馬駢君寔了吾事此外何所
希清風溢寰海不啻戾陵硯公既晚家許道德人所
非衰城卜封窳汝穎皆京圻我來訪遺壘名姓存依
稀來仍散兵燹雨雪無留霏公名在天下豈逐薤露
晞誰能禁耕收盛事乘新机吾力不足振感嘆徒歎
歎

閱故唐宮

錦帆走滅淮海波虬髯起操揚武戈豈民瘡痍六朝
下天開百二秦山河我來傍徨旧官土細麥繁花忽
誰主終南王氣三百年仙李春風一千古春風吹夢

天葩：玉樓金殿春雲香開元舞馬散冥冥紇干凍
雀含悲涼世態愴惶魏烟霧秦漢英靈不知處崑崙
河脉自西來湘浦雁行今北去

劉伯和伯顏字明叟

大駕還宮

宮闕歡迎大駕還九衢香霧屏天顏旂影裡明鈇
鉞鼙鼓聲中襍佩環肅：錦衣人似海亭：黃屋象
如山封囊夕欲排闥闔願溥斯人澤世間

曹元用字子貞汶上人禮部尚書

次馬伯庸尚書韻

柳簇金溝蘸碧波雪深玉闕瞰重坡鳳凰曲奏鈞天
樂烏鵲橋通織女河萬井闐闐春浩蕩六街車馬曉
坡陀山人素有林泉興奈此承明夜直何

張伯遠

餞祝直者

朝餐狙林橡夕飲虎窟泉幽棲豈不逸于道為未全
是以少微星含暉展中天雲蘿謝招隱冠帶趨吳賢
魯生贊制作尚老安疑然董子笑徵驗賈誼明經權
盛德有遭逢志志無棄捐長負若忘世一出垂千年
折梅楚山阿賦詩江水邊寂寞思古人中怀為君宣

李材字子構

過黃陵廟

黃陵廟前湘水綠
天寒漁郎唱巴曲
沙棠舟上月蒼蒼
蒼翠蛟白蜃江茫
似聞清愁五十柱
萬里紅瓦楓葉暮
神鴉翻舞祠門開
珠裳玉袖霞莓苔
玄猿晝啼薜蘿影
赤鱗夜去芙蓉冷
北渚淚痕班竹紋
南風哀思蒼梧雲
山頭古桂秋露碧
山下江流豈終極
荒涼揭車雜杜蘅
靈風自吹烟霧旌
輕帆晚向芟洲泊
聊荐蘋羞奠蘭酌
沅有汜兮湘有沱
洞庭水落生層波
徘徊獨詠騷人歌

壽杜侍御

黃閣老臣踵夔皋
法冠蒼佩陪霓旄
八龍委蛇春春水
一鷗搏控明秋毫
華勛玉策耀天府
雄章銀筆翻雲濤
奉觴獻壽碧桃晚
南極正與文星高

老松怪柏圖

仙人解衣磻磳瀛
造化慘淡秋毫端
枝柯千尺八層漢
笙籟萬壑鳴驚湍
堂中日月不可老
壁上雷雨何常乾
我來醉卧北窓下
夢跨黃鶴天風寒

和春詩

鸞啼燕語花漸稀
天明海碧涵晴暉
洛陽台榭春色

在山陰衣冠昔人非
夢雲何處燕瑤席
舞雪誰家裁
亭衣独有倚樓無限意
年々烟草暮鴻飛

次韻裴都事朝回

海上瓊樓接五城
人間歌吹近蓬瀛
雲移豹尾旌旂
暖日射螭頭
劔戟明汗舞
旣隨仙仗入
退歸遥聽玉珂鳴
欣々百草含春意
得傍東君暖處生

海子上即事

馳道塵香逐玉珂
彤樓花暗弄雲和
光風已轉瀛洲
草細雨微添太液
波月榭管絃鳴曙
早水亭簾幙受
寒多少年易動傷
春感喚取青娥對酒歌

送省郎楊耀卿使雲南

飄飄使節出金闈
郭隗台前暫解衣
携天入五溪
無雁到地經山峽
有猿啼子雲舊里
夙烟在太尉家
聲日月齊後夜
客槎何處望秋河
迢迢碧雲低

禁城秋夕

絳宮星淡海無波
九陌猶聞動玉珂
閭闔微雲藏夕
漏建章明月掛秋河
此身天地流萍遠
故國關山落木多
欲聽鈞天塵夢隔紫簫
吹尽桂婆婆

鄧文元字善之已西人國子祭酒

雨中次范德机見寄雜興韻

窮巷積陰雨，離居寡悰情。安得墟埃風，道遙余上行。
長日有逝川，春花無晚榮。永怀山澤居，好賦潛英聲。
于陵方灌園，厖公不入城。此意豈忘世，詠歌以濯清。
今我夢江國，噉、鶉鷄鳴不憂芳草歇。但恐白髮生，
歸休企前哲。矢言著貞誠，悠、莫識察思子携手行。

都中送元傑道士南歸

投節仙山得過家，都門津柳動春華。還鄉近侶千年
鶴，奉使榮于八月槎。古井雲封丹竈葯，旧松風掃入
壇花。道人冠劍鳴瑤珮，豈必高車畫錦譚。

奉題延祐神翰有序

欽惟仁宗上承祖武，蒐羅俊彥求治靡寧。尤尊禮儒，
臣務敦風化。由是治書侍御史臣郭貫擢禮部尚書，
凡在選者六人。惟貫進秩有加，親洒宸翰，昭示龍光。
忝備臣僚，咸增鼓舞。集矣直學士臣鄧文原謹拜手
稽首而作詩曰：

宵旰需矣，表荐紳秩。宗首遠贊，華勛官聯。天府璇璣，
象帝闡河圖。琬琰文魯聽，簫韶瞻曉日。仰攀弓劍泣，
秋雲小臣作頌。稱仁聖湛露承恩，未足雲。

題小薛王画鹿

礼樂河間雅好儒，曾陪校獵奉奎輿。畫長灵囿观游

後政暇嘉賓燕集餘蚨蝶圖工人去久騶虞詩好化
行初宗藩翰墨首珍賞憑仗相如賦子虛

題謝氏通濟橋

涔陽川上壓雲濤迥若仙山駕巨鼈甃石不愁僧路
滑傾金寧計鬼工勞泛槎客去銀河近題人柱鼎玉
壘高此地通津足佳兵楚歌明月放輕舸

即中蘇公哀輓志道

塞垣重鎮雪雲堆畫諾人稱幕府材流馬道艱逢歲
餘涸魚民病得春回陽關猶記歌三疊杜老俄成賦
八哀夜靜燕台三月冷祗疑化鶴一歸來

送李彥謹御史之西台

霜風十月長安道健鶻凌空淨羽毛地控函關西極
重星聯執法太微高鑄金古鼎奸先伏發刃新礪用
欲韜雅志澄清付公等我怀江海放漁舸

送鮮于伯机之官浙東

衣冠文献叅諸老台閣功名負此公十載黃塵看去
馬萬山青眼送九鴻揮毫對客鳳生座載酒論詩月
滿蓬昭世需材公論定起分春雨淞江東

送張綱父教官

我友白蘋洲畔客忽凌風雪問征途南州歲晚尋高

士西塞烟深憶釣徒呼酒江舟春水動讀山館雨燈
孤無錢自媿蘓司業聊賦驪駒為子娛

贈趙煉師奉祠南海會稽

函香南国羽衣師東曉稽山謁禹祠使馭穩如乘白
鶴仙都歸及采玄芝文園進藁無封禪宣室求言有
受釐書孰会同靈既濶詞人休謬九歌辭

題陶淵明像

詩中甲子春秋筆籬下黃花雨露枝便向斜川頻載
酒風光不似羲熙時

馬祖常字伯庸後儀人御史中丞

書上都李宮齋望

齋居芹宮旁永日少人跡青心慕古躅簡編頗紬繹
徒自傷遺民位卑方莫及苟祿亦可羞吾將返蓬葦
至治癸亥八月望日同表伯長虞伯生過槍竿嶺馬上聯句

有嶺名槍竿其上若殘闕白雲亂石齒青峯轉帝脚
積水太古陰出壑無底壑馬飲沆瀣泉鷹邊扶搖暮
轍跡委重紳人声發虐索寫九接晨背羽沒疑虎膊
霧松秋髮長霜果紅脂薄斤樵不知瘦独泚端有愕
競：矛頭浙杭：井上索疑睇見日現引手操月廓

南下渺沆海北廣終沙漠金橋迎仙游宝塔百神鑿
禽鳴蜀帝魂鉄鑄石即錯闌干掛鈎衝換槍歛鋒錫
屬車建前茅馳道徇戾拆載筆三人行拜節半途却

贈陳象仲秀才纈雲辭

纈雲織波射金水即君水西著皮履南陌紫塵十丈
高擗鬚買酒意氣豪萬里將書憑好鳥荔枝千顆團
團小天津不隔少微星闔闔門開夜光曉

寄家書

春雲隔雨花泥少池上波平飛白鳥薊中河外尽天
涯蓮葉圓時身到家

挽何得之先生

手織烏紗日賣錢全家移住五雲邊伏生有女書空
在伯道魚兒世共怜北市行歌花爛熳西亭坐嘯月
婵娟少微光氣今年暗知是詩隨過海舡

送至叅政上京奏選二首

滇池細馬踏龍沙宰相朝天路不賒峽裡琴泉春作
乳月中珠樹夜生花三千禮樂尊儒術百二山河壯
帝家魚上禹門無點額直即宣奏日當衙

千官吉日聽宣麻白髮詞臣帝女嘉池鳳有毛皆五
色蕊珠無樹不三花綠綈詔底書分雨紅錦囊中字

前霞天路北盤三十六蹄時秋月滿京華

開平事

金馬門東畫省西千官花辰曙光低九莖芝蓋雲衣
合百石銅盤露顆奔鹿柵已營修竹塢燕巢還補落
花泥上林伏日金桃熟鸚鵡來時不敢棲

還過龍門

紫塞秋高鳳輦回龍門有客去還來蕩摩日月崑崙
坼吐納風雲混沌開天帝有神司主宰地靈無力載
雀兔誰吹石瀨成丸雨不使時人汗酒盃

駕發

紫綉鸞旂不受風北都駕發日曛隴九秋宮殿明天
外十部簫韶起仗中白海水波浮曉綠赤城花蕊帶
春紅神皋不用青塵雨輦路龍沙草藉重

龍虎台應制

龍虎台高秋意多翠華來日似壘坡天將山海為城
塹人倚雲霞作綺羅周穆故慙黃竹賦漢高空奏大
風歌兩京巡狩非行幸要使蒼生樂至和

正月十一日大明殿後寢殿進講畢賜侍宴

歆諱經帷咫尺天
聖恩留侍大明筵
東風律應軒轅
樂在平陽開月令
篇春動仗旂回
彩暈日浮窓瑣炫

華鮮百珍水陸難名品因笑傳柑詫昔年

宣德府九十三歲老人

我無曲麩藥為春酒翁得期願作壽朋鳩杖賜來堪
佚老鶴梁辭去不同升五原白積秋迷樹一曲黃河
夜合水古有乞言今可待逍遙全福見玄魯

光山縣孔宰幽風亭

光山近在故山西樹滿岡頭稻滿畦鄰屋讀書相教
投社祠醉酒共提携水牛礪角嬾耕淺野菊抽絲喜
價低春雨行田無從吏獨騎齋馬長青泥

次韻進士宋顯夫海岸春行

靈沼春波殿影高行人苑外望蟠桃街塵曙雨沉紅
霧宮丸晴霏動翠濤鳥度錦中還避彈魚跳船尾不
因篙曲江別有新承宴笑我官曹似馬曹

次韻送上官伯圭

閭闔風吹禹別州才華生世重前旒終軍闕右須承
傳王粲荆南不上樓黃鶴白雲鸚鵡夢金陵江水鳳
凰游東舡載雨瀟湘上柿葉題詩寄十洲

送宋顯夫南歸

琵琶滸北識君初藉甚才華三十餘欲賦兔園千孝
郎不同狗監荐相如瀟湘路熟逢知己韋杜天低望

故君携幼歸來屏丘壠南遊莫恋武昌魚

菊桃

東籬采菊數枝霜包裡裏西風入夢涼半夜歸心三徑
遠一囊秋色四屏香床頭未覺黃金盡鏡底難教白
髮長幾度醉來消不得卧收清氣入詩腸

寄淡洲提點

仙客吹簫踏月輪因游淮海誤尋真松花搗葯分貧
士柿葉題詩寄遠人秋浦有潮苗載酒春雲不雨取
裁巾江都千樹隋宮柳曾見先生綠髮新

御溝春日偶成

御溝流水曉潺湲直似長虹曲似環流入宮墻才一
尺便分天上與人間

劉濩字毅七三山人

贈臧魯三廉訪

肅政光華遠清台啟擬公節移梅嶺北輶發桂江東
楮帳節寒月柳杯鼓朔風瘦童空扶杖負馬不裝械
徵俗三年問威名百郡雄星芒垂許洛雪色照賓融
敷教有虞廟誦經天子宮端嚴銀塘戾易直牖空伺
吏猶加笞竹官貧解印銅寬銷千褐父恩淡萬黃童
花繖戲冬暖瓠笙吹歲豐仁頻苞嫩綠古辣釀軒紅

象跡烟中堞，鯨波雨外蓬。夷珠人有斛，粵布我無筒。
剖竹心如水，驅駑已達六條方。丈竅四牡欲歌功，為
有澄清志，遲輸獻納中。織雲添衣繡，寔亦乘馳楚。
尾吳頭會三湘，七澤天通文恢翼軫地。蓋接潭洪牙
纛聯分政，旌旂列搃戎。鷲爭肥似雁，罷將猛于熊。枿
壁枉無罪，見金忘有躬。化源安溷，獄市積忽，大
器能繩物，先教已擊蒙。道傍豺果避，窟底兔幾空。勿
珥終凶筆，毋閔報怨弓。左鱸并右粥，後稷更先種。采
菊賦歸老，愛蓮無極翁。理明輕勢利，語妙入盲聾。文
祖歐陽古詩宗，魯直工挽回。鉛槧習超出，簿書叢碩

盼山頂動揄揚，石可礮羽儀。傾振鷺，啄捲徧哀鴻。念
昔初騰踏，時方息戰功。考工崖暗，試壘海職，亦芾
彼三百素，系茲五總。穩行卑劍閣，善納小雲夢。甲子
從頭數，冠紳進秩穿。階蘭香浣露，田玉氣噓虹。世或
探斯鷲，吾寧惜爾犗。察魚應小慧，聽蟻豈真聰。靜躁
聆徽外，剛柔省穀中。江湖歸獨步，宇宙涉丹衷。德驥
曾思附，仙舟偶未同。耐寒衣故白，好古佩仍葱。夢枕
頻鮮荔，羈忱几落柅。泥塗龜各曳，霄漢鳳稀冲。厲操
期霜柏，吞声等燹桐。漸忘身顯晦，得究季初終。韓子
哦，隻鳥莊生感，二蟲樂萃晞。行，憂杞咲，仲，遂奔

繫唐盛方聞及漢崇貞琛凌渤澥懷組際穹窿谷欠
防飢軟益因祈利籠駭民牛穀棘虛士鶴氄氄黼黻
需耆俊養飧給老癯會看楊官貴不計孟郊窮温井
覬陽長明奎卜道隆新辭規受助華髮尚狂伺

春日郊行書與鄧善之別五首

在山水非清出山水非濁泉源但無壅滄海端可奉
風急紙卷帆潮來直扶柁我舟如我心鷗亦鳥忘我
動心趁蹶間治氣憐不早緩步勿貪高登山良有道
東風吹紙鸞象目看不眩出處亦見嬉善收存一線
文鷄照水影五綵何續絲鳳凰灵且瑞在德不在文

戴表元字帥初剡溪人

題范文正公書伯夷頌後

有耳不聽下里已人有手不寫劇秦羨新天生灵物
寄我体可惜穢弃同埃塵清風百世希文老一字流
傳金是宝誰知堂伯夷頌曾借春暉發枯槁韓子
也復英雄姿冰寒斗峻餘文辭吹噓自起北海隱贈
炙聊慰西山飢天荒地老精灵在處江湖虹散彩
書離孔氏忽自歸金過韻侯如有待世情愛古兼愛
奇書奴滿眼非吾師請君焚香盥手拜此帖歸洗人
間兒女癡

胡長孺字汲中号石唐永康人寧海主簿

送段郁文雪石

白雲朶來著春空
翕霍變化生竒峯
朝曦照耀舒復
卷碧華忽擁玻璃宮
秋潮初壯明于雪
干雷動地吳
山裂涛頭出海夕
陽微百煉青銅浮
玉玦雲容涛勢
偉且竒乍出乍沒
湏臾時乾萬雪山
白盈尺晴天萬
里窺蛾眉似識詩
翁作詩苦
獨擁清妍照環堵
河翻
月落夜未央如虹
光氣九屋梁

題醉王母圖

宴罷瑤池醉不任
仙人那有世人心
良工欲寫無言

意自托丹青作酒箴

元音卷之三終

乾隆戊戌六月二十二日庚戌初伏日較是數日熱甚
因居記

元音卷之四

孫元理編

范樽字德机臨江人憲司知事

贈方永升往教重慶路

汲水得明月倒影上青天客行三十年未識蜀月園
中宵夢已蜀秣馬辭燕服成都雖云遠未刻意已足
遠意不可期宿夕宛見之雲迷九鳥道雨急卧龍祠
干戈何草々祇說渝州好但得渝州官甘就渝州老

渝州古雄城彭君旧建旌至今江石上犹有古詩名
豪傑已矣空城俯流水復有江東人來教渝州士方
侯天机深大雅託遺音沉潜萬夫敵脱畧五湖心翻
然別我徃長揖仙人掌疾風吹大旂落日明斜舫即
此少相知相知長恨思巫山桂樹發折寄定何時

節婦王氏

妾年四二三始識月團圓十二孝女工刺綉如鴛鴦
十九嫁夫家事姑施衿鞶夫婿良家兒世藉為王官
雖聯朱紫貴不習綺舛純過庭執詩禮開口若驚端
夙儀在一時爭作玉人看天地忽降毒推折青琅玕

回首四十春景光若流九貞心守松柏芳性軼芝蘭
落月簾帷曙西風机杼寒沉思徃昔事淚下紅闌干
豪客至茅屋奉家窳林壑入房衛病姑身死白刃攢
相向義伶釋視色無難親知為歎息保社為辛酸歆
舟上州府為妾旌門闌妾寔無所願所願在所安婦
人徃從人阿母涕洟瀾送行遺之語敬順無違歎匹
偶固有時寧知憂患端辛苦蹈物變豈羨身独完殷
勤謝旧故聞者摧肺肝

濡露亭

初秋白露降爽氣逼虛帷薄林方泥、洒漢復霏、

暗齧玉堂梢斜風金掌微鶴眠寒屢警螢火濕犹兀
葉重知月朗花艷却陽稀蘭飲畏朝墮草沾傷夕啼
為霜當宿戒去日浸增歎娉婷吳公女三月采薔薇
挹彼枝上香散入舞裳衣千歲亦不滅但恐願初違
君子保世澤在久愈光輝

贈別張清夫还吳

新雨不作泥鉤輶樹上啼征夫懷遠路家在太湖西
別家今几度楊柳江邊樹念鄉車輪下漸是中年路
万^一題中年尚可期人生且莫長別離長別離向何方
九河落花清浦香玉雌班；鳧乳黃南望不見三高

堂奈此游子思故鄉我家朱公濟特早功成身退合
天道當時未必知者矣挽不回之卧烟島後來閱尽
虧成事始識從初去時好我不能赤手縛虹蜺又豈
委身同草木生逢堯舜世肯受泥塗辱昨者誤奮龍
睚門雷蝮蛇嘲之自云足憂未奉觴酌白日唯有皇
天照空谷張公子吳江生我有千載不羨身後名為
君寫作送行曲；中鑑憂難為情君行不聽我意不
平明日買船棹秋声亦欲東下窺滄瀛飄然始去白
玉京頃君禹穴相逢迎相迎不見頃相待客行雖遲
心不改

題先天觀山水圖

李仙之人與山為徒住在匡廬之與湖江之區張公
鍊丹作龍虎丹成御氣遊六虛後來作者絕代無復
有逸人住玄都玄都之壇角井孤上摩萬里之黃鶴
下伏千尺之飢飈陰森松筠自太古斬種刀方開闢
俱搏桑朝日挂絕壁照見樓觀青模糊擘屋控絃寫
哀壑秋雲春露芝田腴我亦人間山澤臞偶隨夔魖
賓唐虞與未醉倒黃公壚震風三日撼不蘇折花不
得度弱水揮手始識仙凡殊玉堂仙人危身吳遺我
葑山之画图尋窻數戶久歎息無緣置我隻樽蒲獨

行幽人不受呼掃葉青間聽啼鳥日暮蘿遙相索紆
向何處明朝為借麻姑鵬我亦騎之上天去

贈海康卒進士者

圣主徵儒用文李翩五士起海角元戎虎帳元若鷄
泮水成材玉新琢吉日奔餞鐘鼓作皇華大夫隸
朱裸快馬繫蹄輪脫新相送西風出却郭問君此行
事若何于菟要是赤手縛候雁南飛不踰岳洞庭山
秋木葉落詞場先鋒奪霜鏑万里青山上黃鶴明
光宮中問禮樂董生策有經濟畧一朝声名動河朔
往取青紫如六博前年禮闈開峻擢明當接武絲

綸閣歸來錦衣照丘壑人生無進士樂如烏乎人生莫
如進士樂勗尔高步翔寥廓

王氏能遠接

遊莫羨天地鵬歸莫問遼東鶴人生万事須自為跬
步江山即寥廓請君得酒勿少留為我痛酌能遠之
高樓醉捧勾吳匣中劍斫斷千秋万古愁滄溟朝旭
射燕甸桑枝正搭虛窓面崑崙池上碧桃花舞尽東
風千万片千万片落誰家願傾海水溢流霞寄謝尊
前望鄉客底須惆悵惜天涯

杏葉黃

杏葉黃天雨霜寥隆携日照八荒迴光照見白玉堂
；中美人雙佩璫中宵抱被直西廂忠君愛親兩不
忘奈何零落露沾衣裳清曉樓頭見征雁不如謝官
歸故鄉

轆轤怨

門前水声揚似雨幽人當窓碧絃語東里征夫去不
歸一隻蛾眉鏡中舞年；井上攀轆轤劳心只恐秋
葵枯他年種得長生草梅花落尽青；好

雲林歌為貢供奉作

朝望宣城夕企雲林掃花釣月消我閒心城東之山

倚天碧手捫南斗近咫尺幽人築堂面山坐絕似謝
公故時宅謝公今何在蒼苔剪行跡調笙誦新詩流
水照白石看水作明鏡年光靜來徃夜深敬亭而坐
見南湖長清風被長阪鳥度菱葭響雲之林兮不可
攀中有青猿白鶴相盤桓林之雲兮不可縛時來宿
我青簷端昂藏老仙人抱琴卧山側憶在中華時相
逢髮未白問之不咲亦不言阿家中子瀛州客起却
遺我宝字書依稀攝精練魂魄相期後天無極年共
尔守之合自然御氣還得同飛仙未登雲林堂試作
雲林歌嗟我久客意哀邁雲林奈爾何

釣臺歌

吾慕爰子陵隱居富春山故人垂六龍身隨魚鳥閑
羊裘大澤雪在須忽來導從入皇都掉頭不受諫大
夫高風逸節何代無慎勿滄浪輕釣徒

首陽山圖

山漠々兮谷逶迤中有二士形容飢問之不答告者
誰在昔父死人致國弟讓兄辭俱去之一朝隱居北
海北去亂就治歸人師遇世偶有戰伐事叩馬垂血
陳忱辭君王知名臣義直；不退聽將疑為見兵不
果事乃定恥食其粟隱于斯終然飢死於山下到今

稱頌猶當時白旄黃鉞不可追功業甚盛德甚哀救
民水火事誠危三綱一失誰扶持是以聖人表其怨
謂彼仁者良由莽首陽之故高几尺自古富貴埋沒
野草空累；我欲酌北斗荐以黃金卮展圖涕流洒
此意函者宜不知

贈李右丞

恂、李右轄行義古人期緩急倉公傳勤勞衛母詩
滄波大地轉白首老天知莫寫青田鶴鳴皋重我思
贈別徐教授之欽州

冉、歲月莫悠、閔塞長歌鍾疑旅宴舞袖拂征艎

到日梅花乱来春蕙草芳南金自昔重寄贈可能忘
王繼學晚過舍下翌日惠詩一章用韻答賦
平生病大史淺陋愧曹邗自足封函谷聊湏壘受降
黃鐘知和寡白壁動成雙天外誰抬得清風滿八窓
和李溉之園居雜詠四首

書劔上青霄鄉閩雨雲遙年華侵水竹客思墮山苗
會想商岩綺將從鄭里橋文辭誠小伎抵此俗情饒
豈是幽棲地飛騰亦未量城根分鼠壤池面合魚梁
名久喧郎署歌時感女桑畏鄉音調苦疇復貴相忘
圃色依簾障天光切戶庭草生連夜雨花落遍池星

未遂翔寥廓真堪託晦冥逢時須紫燕得意拂青萍
亦欲依家 衡門斗極邊鄉心微化鶴宦途貼瓦鳶
白日拋書送青山拂檻延風流自無已憶上五湖船

絕句二首

江上打魚舡有頭那有尾與鄉相見時不望如魚水
鄉路西^州是延平那向東片帆儂會使祇是怕隨風

十月九日詣天光門上進三朝

寔錄

儀鸞簇伏滿雲端玉鑰初開衆樂攢三后龍光周曲
冊羣臣鵠立漢衣冠炉香著日浮晴靄官樹班香試
曉寒千騎前頭都不避祇傳李士洋金盞

辛酉歲元日

西山千仞鬱崔嵬山下樓台紫翠開玉帛會同來萬
國璣衡縣運屬三台嘗聞海客談金鼎更見詞官進
玉杯慚愧辭臣今白首久無賦獻蓬萊

四月十六日指東華門奉迎香輿

天香曉報出宮城已辨陽頭合衆迎黃鳥低斜衝隊
過紫駟踈蕩著班行百王咸祀無遺曲萬乘深居有
至情失喜快傳湯沐賜禮官識姓未知名

送白魚咎太守之郡

灑洒中書舊省郎排雲曾攬舜衣裳一麾况復守名

郡萬事不如歸故鄉馬首漸違燕闕而雁聲欲度晉
城霜漢廷擇相皆良吏蚤奉藩輿謁建章

寄上甘肅吳右丞二首

要使唐虞化遠覃玉門闕下屈征驂多憂總為民心
若有喜惟聞郡姓甘日晚邊沙黃晚天晴隴樹碧
毳毼國風不繫秦州外自此西人識召南

塞上孤鷹白雪毛塞門風物靜蕭騷黃河西去從天
下秦華東來拔地高枸杞莫將如蕙苾醜醜足飲勝
蒲萄遙瞻圭衮還舟日正屬江湖心緒勞

寄題集賢周司直悠然閣

香陽東下萬山圍魁閣崢嶸面翠微雲接大荒迴古
色波涵落木動晴暉官情靜與游魚逝詩思長隨夕
鳥飛夕待倚闌成獨酌癡兒了事各須歸

張田公母

山風遙引紫雲車樓閣春深阿母家更五十周重甲
子後三千歲一桃花綠衣故綰封苗印白璧新隨蜀
使查見說麻姑旧行處至今源上有丹沙

奉和王繼學懷濟南旧遊

前輩風流迹漸斷濟南旧錄錄故人詩遙知灵運初
游日正是元方後載時青杜寥々成異物丹丘晶々

郡萬事不如歸故鄉馬首漸違燕闕而雁聲欲度晉
城霜漢廷擇相皆良吏蚤奉藩輿謁建章

寄上甘肅吳右丞二首

要使唐虞化遠邇五門闔下屈征騾多憂總為民心
若有喜惟聞郡姓廿日晚邊沙黃晚天晴隴樹碧
穠、國風不繫秦州外自此西人識召南

塞上孤鷹白雪毛塞門風物靜蕭騷黃河西去從天
下秦華東來拔地高枸杞莫將如意苴醜醜足飲勝
蒲萄遙瞻圭袞還舟日正屬江湖心緒勞

寄題集賢周司直悠然閣

送歲去迎歲紛紛一夕間福寧綠巧猶似且賣癡頑
稚子情偏暇幽花意更閒飲好和茶凍深生竹雪
還

山風遙引紫雲車樓閣春深阿母家更五十周重甲
子後三千歲一桃花綵衣故縮封苗印白璧新隨蜀
使查見說麻姑旧行處至今源上有丹沙

奉和王繼學懷濟南旧遊

前輩風流迥斷斷濟南旧錄錄故人詩遙知灵運初
游日正是元方後載時青杜寥、成異物丹丘皓、

屬遐思壯年易動離居感繾綣花前今屈卮

開歲

自違北極向南辰重見東皇似故人合席管絃方改
歲殊鄉花柳竟先春水滸楚澤魚俱化天霽周郊歎
亦仁薄宦于時無補報且須康濟百年身

草堂

草堂不在萬山岑時有幽人步往蹤雨壓墻烟籠薜
荔石扞槃水鑑芙蓉清名豈讓陶貞白共住猶須陸
士龍忽憶雁行天外去歸來期在粵城中

送毛鍊師奉祠禮成還京

仙官持節下青冥海瀆廣祠衛百靈行為治平循禹
服禮從禋祀想虞廷東風到處隨神雨南極歸來奏
壽星致福要當宣室問鶴書先報白雲扃

奉和吳宗師退朝

柳外朝冠古進賢雲開觀戶日通仙蓬萊豈隔三千
里華頌宜過一萬年香並袞龍浮瑞日声隨簫鳳下
晴天文臣不願金莖賜但想黃封到竹邊

弟張鍊師

名家接武依丹陛壯歲招魂入翠微遂使老聃成自
弟不知丁令竟何歸蛇蟬豈恋尋山蛻鸡犬曾聞挾

日九独有皇恩無以報昨傳天語慰松扉

平台晚懷

落日微風生晚涼平台西上萬山蒼佳人獨不生同
世樂土那知是異鄉海雲霞千古意鄉闕道路九廻
腸丹青不寫歸田賦徒以虛名累霍光

送別周儀之官錢塘并柬李四秘書

武帝龍九第一春京華相送各沾巾詎知解后文身
地同是栖遲皓首人山驛蛟眠壘滯洞水鄉雁起月
迷津若逢李洞南天竺為說前書感謝頻
將赴雷陽送羅提督之任廣東

拾澌暫泊薊門船復指番禺路几千茉莉香深知酒
路枕椰菜暗煮鹽烟齊人旧筭無遺策漢史新藏有
剩錢莫為遐荒心力急朱崖更在海南邊

送人之五羊

豫章遠接五羊城白鳥九邊道路明苦我乘槎游汗
漫今君攬轡度崢嶸湖堞夕下潮聲轉斗角寒深室
氣橫搖為觀風揚或業有詩才不負此行

以瓊扇一握奉致黃明府

拾得炎州月一團殷勤持贈比琅玕情知已是秋風
後苗作明年九夏寒

鍾陵夜宿聞鐘

中年江海夢，靈皇夜半聞。鐘似上陽一百八，聲猶未
已更兼雲外雁啼霜。不效古民言
錢生幽禽囿
誰人剪下碧梧枝，誤落西風粉墨池。立斷幽禽死不
去，朝陽何事鳳鳴遲。

渡端州峽

擢卽得便，泝清流。忽報舟前曉霧收。蠻語酬人翻自
苦，好山不敢問何州。

挽西蜀先生

八十猶傳隱者名，乾坤未是負先生。無端白帝城邊
水，欲載哀歌上玉京。

憶得

憶得佳人白苧時，詞几將天外數歸期。自從落盡庭
前樹，夜、秋聲總不知。

聞東隣夜歌

促拍繁歌沸不停，月高絃語轉明星。莫令知有西隣
客，獨坐挑燈看六經。

楊載字仲弘，浦城人，宣城推官。

雷母

北風海上來大雪何壯哉上下九萬里洗淨無纖埃
君家十二樓軒窓洞然開吹笙擊鳴鼓呼賓與啣盃
名言落四座大笑聲如雷奔頭望長空高與鷲冥鴻
仙人五六輩九不白雲中粲々明珠袍相從萬玉童
問君何所事未就丹鼎功翩然却携手共入蓬萊宮

題文丞相書悔堂

大厦就傾歟難以一木支惟公抱忠義挺然出天姿
死既得所處自顧乃不疑惻愴大江南北與日月垂
我行見遺墨再拜墮涕洟名堂有深意亦惟歲寒枝
可知平昔心慷慨非一時峨々著棟宇昭々示民彝

勿使風雨敗永慰千古思

次方韶父遊九瑣山韻

平生一枝筇畏踏市朝路出門見青山如鷓追狡兔
荏辰正炎暑赤日那肯暮振衣得冷風趨若忘世故
冥々九瑣雲未堵觀心已慕想當挾良朋盡取竒絕
處曠哉天壤間寓物豈為瘡歸來思旧丘我服寧改
素無官正尔佳有子亦堪據誰欣事虛名白首不知
悞

太古雪為楊友直賦

往時天大風能吹華山裂墜此一拳石或云太古雪

粵自開闢初雲氣所凝結已經六萬歲變化同噉噉
望之色正白表裡共澄澈塵土不能腕光彩耀日月
願君勿愛此持以獻金闕回中避暑時持用消毒熱

東山詩為葉子實賦

東山高几許上有浮空雲葉君居其間好道風所聞
窮年絕人事死坐致遺文松闕畫常掩石田朝自耘
葆真去汨昏養息襲氤氲軒冕有遺榮高舉謝世紛
悠々阻林莽長與麋鹿羣由來巢許臣不是堯舜君

次韻袁伯長

盤、海底石並樹青琅玕至陽生至陰龍宮常苦寒

揚光炫朝彩吐氣蒸微瀾根株歷千載莫惻榮悴端
如巢居子草木皮衣冠超然去人群取友蹄與翰
日誦黃帝言浩歎淚闌干奈何天下治必以雲為官
佩紉黃金環咀丹白玉盤自聞至人德積熱生肺肝
黃塵日暮起對面不相看三山在何處使我師王韓
聊歌紫芝曲倚君清夜彈

次韻虞彥高游陽明洞

憶昔神禹奠九州茲山今計功始休諸侯玉帛渺何
許但見萬水從東流衣冠永閉陽明洞夜聞鬼哭岩
之幽珠宮貝闕號龍瑞天造地設非人謀槎牙在樹

凍不死化作千丈蒼玉乳
丹洞呀然仙掌裂翠峰
巧矣蛾眉修梅梁九去鉄鎖斷
徃雷雨生靈湫軒轅
緱紳極秘恠海上笙鶴時
相投平生閉門讀史記
子乃探元先吾道明當挾子
騎汗漫題詩更在殿上頭
不妨山水樂吾樂豈有飢
溺憂民憂故家喬木尚可
求有子有孫百世田卧橫
玉簫帆歸舟吹散萬斛江
南愁

古墻行

建炎白馬南渡時循王以身佩安危
既思治第壯輿衛縮板載幹由偏禩
下鍾江城但沙鹵徃夷赤山取

焦土帳前親兵力如虎一日連雲與百堵引錐試之
鉄如堅長城在此勢屹然上功幕府分金錢誰声如
雷動地傳尔來瞬息踰百年高岸為谷驚推迂華堂
寂寞散文礎喬木慘淡栖寒烟我入荒園訪遺古所
見唯存尋丈許廢壞終嗟麋鹿遊飄零不記商羊舞
王孫欲言淚如雨為言王孫母自苦子孫再世隳門
戶英君尚及覲房社如君百不一二数人至富貴當
自取况有長才文甚武公侯之後必復初好把家声
繼其祖

時中兄示余畫一軸画一老翁推独輪小車

上載兩巨甕意其為警世之為困為賦詩
小人無它独嗜利兩甕載車將遠致肩頰足跣汗潛
然冉、修程胡不畏世人但笑愚翁愚甕破即每瓦
礫俱不知人有千金軀前行險道方乘車

壽姚承旨

上帝黃金闕仙人白玉堂皇獻資黼黻大筆主文章
間氣生奇偉休期際吉康四朝承寵渥多士仰輝光
尺發琅函秘重繙石室藏成書侔二典有道述三皇
碩望高天下榮光近日旁謀謨頊稷契羽翼藉園黃
上殿扶鳩杖開筵接蚁觴九重師道德千載合明良

共說綸如綉能催繡作裳人思興禮樂國待理陰陽
旧族名先著高門慶其長賜書踰萬卷約笏過三床
轉覓勛庸盛还欣躰力强朱顏朝映日素髮晚欺霜
已注長生籙曾傳却老方宜齊周李耳遠瀟漢張蒼
松柏深逾秀芝蘭久益芳願公多壽祉仍見子孫昌
題信州先天觀圖

高林寨翠氣唐谷散虹光道士多騎虎仙人自牧羊
澗泉通地遠山嶺際天長戴子文為記流傳示不忘

寄刘師魯

想君游宦處正值洞庭湖落日波濤壯晴天島嶼孤

舟航通漢沔，風物覽衡巫。天下文章獎，非君孰起予。
露簡

自古韋編在，何年始汗青。露臺深卜宅，科斗少成形。
泯滅陪秦火，搜羅出漢廷。斯文天未喪，不敢望全經。

斷碑

摩挲不成讀，上有薛班、字畫鍾王輩。文章漢魏間，
龜跌凋顛負。螭首落孱顏，渤海神明遠。今同磴石頑。

送孫大方歸朝元宮

高卧林泉表，超然謝世紛。空山鳴白雨，古石繫蒼雲。
不作夔龍佐，甘從鹿豕羣。都門游宦客，回首總慙君。

饒國吳文康公挽詩二首

厚德修天爵，崇資拜地官。樂然周典禮，偉甚漢衣冠。
共喜懸金印，俄聞蓋玉棺。史臣書懿數，光照碧嶺巉。
道李繇賢子，推恩自聖皇。白茅分壤土，華衮賜衣裳。
漫注長生籙，唐傳却老方。神遊終不返，瀛海路茫茫。
送吳胡汲古之吳中

贈方韶父處士

有客佩蒼精，居然得此生。山開栖越跡，水泝入吳程。
佚老悠一計，傷離戀一情。食菲方未已，應不為魚羹。
蜀郡蘇明允，襄陽孟浩然。成名兼二子，得句詫羣賢。

口絕人間事身如物外仙卓然能有此未信獨無傳

宗陽宮望月

老君台上涼如水坐看水輪轉二更大地山河微有影九天風露絕魚聲蛟龍並起扶金榜鸞鳳雙九載玉笙不信弱流三萬里此身金夕到蓬瀛

大明殿早朝

玉氣浮空御殿開金衣照日近臣來系囊已進千秋錄黼座還稱萬壽杯王子吹簫隻鳳下羲和攬轡六龍迴衛尊此日沾恩澤散作祥風遍九垓

次韻陳子仁黃河

禹功疏鑿過憂勤海內山川自此分元氣渾淪通地脉孤光迢遞現天文母金伏礫秋淪盛陰火藏淵夜不焚多少魚龍爭變化捲歸西北會風雲

送戶部康里尚書

經濟才高負重名早趨蘭省執樞衡唐除宰相同三呂漢拜司農列九卿禮樂正圖興美化雖刀先務已苛征公家事業齊周台重使斯民望太平

紀夢

海上蜚綸已有年平居無事夢朝天蒼龍現闕東風裡黃道星辰北極邊治世只今逢五百前程如此隔

三千楊雉曾奏甘泉賦應有聲名達帝前

題拱北樓

殷地鼓鼙迎日出倚天果棟每雲浮北瞻帝闕三千
里南控臣藩二百州江海無波沉罔象旌旂垂野駐
貔貅膏回鹿榜多深意綉衮于今有魏牟

題本齋王公画像

詩禮傳德家望隆一門三世拜三公五營帶甲軍容
威九府流泉國賦充房魏素懷尊主術藝黃先奏養
民功欲將惠澤量深淺楚浸洋與海通

錢唐懷古四首

山圍禁藥入雲長魚復陳兵衛兩廂千古金鍾埋野
艸萬年珠樹落秋霜龍文不徙陽人聚鳥篆終降軹
道旁九市塵埃未衰一江波浪正茫

西湖清濁自天開鴻雁島鷺日往來黃道星辰環太
乙紫雲宮殿擁蓬萊論文魏奏王褒頌獻壽深傾阿
母盈九域輿圖今混一百年者旧独具哀

斜界鉤陳通大道中分魏闕對層崖雲生殿上金炉
暗露下庭前玉井寒江漢九龍俄杳滄溟泛鷁竟
滂中天今合寧非數坐見倉生莫枕安

他人宮殿被層阿棟宇高低若湧波翠石文章書日

月宝珠光燄，燭山河桑說法黃龍聽。貝葉翻經白馬
馱，誰謂一魚超象有只金塵土重來過。

送袁伯長扈駕

罕畢前驅盛國容，黃麾仙仗衛重。星流曠野九蒼
鶴日麗層霄馭赤龍，耀邊陲。湏北狩合祛，天地待東
風。封論文孰可名，休烈扈聖還宜祀岱宗。

懷錢唐故人東應中父

几年流滯客京師，每憶江邊話別離。落竟已甘心自
鉄蹉跎，無奈髮成系草。玄思若無人問，彈鉄歌長只
自悲。滿目塞雲九去，盡倚筇獨立更多時。

別京師

囊衣索載道旁車，人事匆匆欲徂。風雨五更鷄亂
叫，閨河千里雁相呼。燕菁散漫根犹美，桑柘蕭條葉
尽枯。却上高丘重回首，五雲九統帝王都。

送薛玄卿歸龍虎山

金門詔下羽人歸，欲向山中採蕨薇。琥珀懸崖松樹
老，琅玕倚閭竹根稀。高岩蓄雨星辰濕，古石緣雲徑
路微。養性可無軒冕累，游塵元不浣仙衣。

送羅雲叔歸山

黃石山原夙物幽，賤子往來曾一游。旧行繁石已成

徑新藝麻禾應滿疇馮衍能忘白首歎謝安須為蒼
生憂餘杭溪上明日發愁殺楊花吹客舟

壽饒國公

可樂無如父母全既賢既貴又長年金壺賜出青雲
上玉佩朝辭白日邊楚木論春猶五百蟠桃稱壽必
三千侶聞黃綺歸來後長向山中作隱仙

贈同院諸公

詔編國史有程期正是諸郎集直時虎士守門宮杏
、鳴人傳箭漏遲、憲間夜雨銷銀燭城上春雲墜
彩旂才大各稱天下選書成當繼古人為

送吳真人

具戾威命領祠官歷祀名山不厭難上帝乘龍遊下
土真人騎鶴降吳坛已刊白玉為封檢更鑄黃金作
祭冠因壽延洪千萬歲願祈穀熟小民安

寄吏部尚書張公

復喜清朝用大賢玉音俄對廣庭宣姚崇已托君臣
契李泌終持將相權此日經綸須展布他時簡策要
流傳淵明有待公田米可念江湖久棄捐

次韻辛良史早朝

掖垣迢遞到城回魏闕嵯峨此日開赤芾今庭宵伏

引朱輪爭道曉鐘催三泉忽報藏金甲萬芳徒闡進
玉杯樂奏象箭從此畢小臣思見鳳凰來

題鍾呂傳道圖

濟世曾聞有大才超然脫屣去塵埃
敝衣光昱今何在上下乘龍戲九垓

題鄭子真画像

躬耕谷口襟編民寧肯懷金媚賊臣
楊子解言如許事不知執戟是何人

元音卷之四終

六月辛亥夜大雨雨朝晴
朱而洪東鏡在沛雨秋晴
正德金蘭初以乃入未伏第一
後四年七月一日重閱時

元音卷之五

孫元理編

虞集字伯生号邵庵蜀郡人翰林學士

題商德符華山圖

昔祠雲臺館行穿御階柏夕陰嵐氣深重碧照行客
獨訪張超谷漸竟炭陰迫水生玉井頭日射仙掌側
豈無鐵鎖懸翻身若飛鵲恐煩華陰令不奈昌黎
伯王事况有程車馬何忽：流觀終南山周覽天府

國尔来十七年欲往再不得山河想邈悠傷殘轉葉
索摩掌商老圖彷彿希夷宅高哉蓮華峯白雲淡秋
色

次韻陳溪山樓履

頗憶蜀井西樓欄每易討披心割魚子束皮充彗掃
湖工巧紉履文織象花草輕鬆隔沮洳緩步得堅好
長跪獻足

元祐還有樓履二音多起篇稿字一韻不稱其同而各以詩收之也節自
春及小倦回記

下會期後三早知君貴賤履陟降恒有道憐吾涉世
重誠不待造兢：歷淵冰縮：奉師保時行不違矩
庶慙歲年老

題薛外史瓊林台

高台積方石瓊林樹交柯晨光眩白雪夕景纏紫蘿
每聞樵子唱恐是仙人過塵世在足下豈能聞 歎
過海只騎鶴開池還養鸞外史正瀟洒太白烏足多

題許愿夫抗雲樓

城居苦迫隘層闌上岵莧措身方丈間千里能自超
可以抗浮雲誰能傾塵囂擬峴有古台遺碑正蕭條
子固若星斗其竟安可招龐公輒耕除頗怀見凌霄
賦詩托九鳥長空何寥々

次韻袁伯長賦陶心

憶昔白雲君高居保黃寧夕煉黃帝昇晨註神農經
羣真時滿座逆響每盈庭寸田既無畔幽閔那有局
允凌萬物表婆婆垂帶鈴歸來塵世外曾孫宴虛亭
所志在高遠三峰列青冥頽然得所止一念三十齡
崑崙安明珠旭日曜帝青槃桓有童子松根求茯苓
趙千里出峽圖

巨舟臨峽口衆工志如一各以所操濟雖危萬無失
所憂在平曠玩肆生縱逸毋俾持釣翁倚岸三太息

哀陳童子

南山有鳳雛允來上林樹祇承朝陽輝不食秋夕露

珠零海氣尽璧毀月光曙巫陽不能招荔丹蒲洲岫
于仲元舍賦紅梅

白雪不成夜丹霞遂崇朝妙質承日映允英向風飄
醉來紅袖近歌罷綠雲消揚州問何遜何似董嬌娃
題儋耳東坡載酒堂

翳、儋耳城歷、枕柳樹百年遺故丘新堂設賓昨
清風海上至朝陽在庭戶丹山五色鳳覽德屢來下
應制題王拙畫吳王納涼圖

雨過大湖上夙生響簾廊紅綃拂几席白紵製衣裳
朱光淪厚地明月在高堂何以保玉體長年樂未央

題水木清華亭

中流汎蘭柁望彼嘉樹林落日蕩野水浮雲生夕陰
魚游恋芳藻鳥鳴在幽岑為樂恐易老吾將脫朝簪
出直次韻

月下白玉階露生黃金井疏條栖鵲寒衰蕙流螢冷
恋闕感時康怀歸蒼霄永晨鐘禁中來白髮聊自整
酬上清道士鈔陰何詩

殘雪松上落輕冰硯裡生寫詩過夜半歌枕又天明
少陵愛何遜太白侶陰鑑鏗不愁勞著翰亦足助高情

金人出塞圖

海風吹沙如捲濤高為陔磧深為壕築壘其上爰周
遭名王專居氣振豪肉食湏飲田為遨八月草白風
鸞臆馬食草寔輕骨毛加弦試弓復置棗今日不樂
心慄、什、伍、呼其曹銀黃兔鶻明繡袍鷓鴣小
管隨鳴靴背孤向虜出北臯海東之鷲王不驕錦鞞
金簇紅絨條按習久蓄思一起是時霜清天翳絕駕
鵝東來雲帖、去地萬仞天一瞥離婁屬望目力竭
微如聞音鷲一掣束身直上不回折遂使孤飛一片
雲頃刻平蕪洒毛血爭誇得雋頓足悅掛兔懸狐何
足說旌旂先歸向城闕落日悲夙起蕭屑煙塵滿城

鼓微咽大酋要玉具甘歆王亦欣然沃焦熱闕支出
迎騎小駝琵琶兩姬紅頰頰舞歌迭進醉燭滅窈左
斜轉氍毹月

題柯敬仲画有序

予先世居隆州治之後山石室翁守郡時隆為陵
州事簡時來就吾家拾故紙背作茅蘭竹木之屬
所得頗多吾幼時尚收得數紙今亦亡之丹丘生用
文法作竹木而坡石過之近又以新意作墨花甚妙
從子悅有眉山李官之行丘為作此予愛而賦之
昔者老可守陵州守居北山吾故丘太守時來看山

雨每盡紙背成滄洲老蒲松煙色過重揮霍陰崖交
劔矛百年離亂亡故物散篋江南誰復收新圖質簞
枝葉修使我不樂思昔侯碧鷄祠前杜鵑叫玉女井
上叢篁幽棠梨樹高青子落碧花翠蔓紫牽牛楊雄
無家不歸老蠨蛸蟋蟀寒相求丹丘先生東海憲何
以見我空山秋蕭條破墨作清潤殘頁刊落精英苗
陂陀重複分細草山石縈紆生亂流眉山李官莫厭
冷言歸故鄉非遠遊石田茅屋倘可得萬里欲上東
吳舟百花潭深濯新錦持報以比珊瑚鈎

為達蕙善御史題墨竹

蜀道荒涼多古木，篋管千尺相因依。少年慣見今白髮，杜宇夜啼愁不歸。老可嘗作陵州守，古墨蛟龍多入手。春雷每恐破壁去，神杪空令夔魅走。丹丘越人不到蜀，修葉何以能縱橫。內府人家爛漫寫，使可見之心亦驚。江南御史龍頭客，暫別那能不相憶。知君深識篆籀文，故作寒泉滴崖石。

子昂墨竹

吳興畫竹不欲工，腕指所至生秋風。古來篆籀法已絕，止有木葉雕蟲。臣黃金錯刀交屈，鉄大陰作兩山石裂。蛟龍起陸真宰愁，雲暗蒼梧泣湘血。吳興之竹

乃非竹，吳昔吳年面如玉。波濤浩蕩江海空，落月年年照秋屋。

送戴真人歸越

戴先生日飲五斗，醉不得再飲一石，不肯眠。昨從桃源來，兩袖携風烟。長安道上小兒女，拍手欄道呼神仙。馬如游龍，花如雨，蹴踏春烟作朝暮。東方不作窻間戲，上帝还令海邊去。海邊玉虹夜不收，貝宮珠闕皆蛟蜃。芝田玉樹久相待，天上老仙那肯留。戴先生，鑑湖之水三千丈，不可以鑑。可以釀，明朝亦脫錦袍去。舟汝酣歌釣船上。

題柯博士画

磯頭風急潮水長蒹葭蒼蒼繫魚榜青山一髮是江
南白頭不歸神独往幽篁繞屋茅屋簷木葉脫落秋
滿簷買魚沽酒待明月定是黃州蘇子瞻子瞻文章
世希有諳向江波動星斗夜投斷岸發清嘯栖鶻驚
飛怒蛟吼图中風景偶相似欣然揮灑春雲開子瞻
應是念鄉里还化江東孤鶴來

題金馬圖

人負金馬
瞻子馬上

賈自胡騎千里馬解囊小憩荒城下平原魚樹起秋
風夢入陰山雪橫野太平疆宇大魚外戶連城魚

閉夜不然安有独行人怀琤安眠如画者

題花鳥圖

吳中女兒顏色好洗面看花為情調朱弄粉不自
施寫作窻間雪衣鳥綠窻沉春晝遲半生心事花
鳥知花殘鳥去人不歸細雨梅酸愁畫眉

白翎雀歌

鳥桓城下白翎雀雌雄相呼以為樂平沙無樹托營
巢八月雪深黃草薄君不見旧時飛燕在昭陽沉
宮殿鎖鴛鴦芙蓉露冷秋宵永芍藥風暄春晝長

慶史顯甫治書父八十

治世尊三壽高年見八朝羽儀叅漢皓神覩邁周喬
柱下声名遠壺中日月饒微醅霞灼；新沐雪蘭；
地厚源初浚天金玉不凋一經傳令子貳憲肅辟僚
侃；稱時望英；樹國標綉衣魚綵服白日上青霄
上壽端崇異推恩錫爵超紫深宗伯橐金重劉侯腰
珍膳應恒從安車必見招乞言逾藹石報德稱瓊
瑤千步庾來鳳羣工韻合韶陳詩方懿頌擊壤北
康謠

題秋山圖

峯迥苗深隱天清襲素袍栖身斷人蹟游目送鴻

樹毛挂栖屋鷲藤懸飲子猿龍眠石潤冷虎撼樹根
牢木客吟時共山樵奕處深雲過水尽孤月挾霜高
羽使來三島胎仙舞九臯左招玉斧飲右攬赤松遨
空色收寥廓虛声起絳騷彈琴遺古散載酒棹輕舸
遂向圖中見誰能世外逃乘槎几日至一泛九秋濤
正月十一日朝回即事

宮樹春陰合霓旌拂曙來天光臨閣道雲氣轉蓬萊
晝漏沉、鼓晨尊灑、杯香霏簾底霧樂殷殿前雷
祥瑞儀曹奏瓊淳尚食催舞庭分鷺如序效獻過龍
媒融雪微生草輕風不動埃老人南極至王母上方

回王色何多喜金華得重陪裁詩賀新雨西閣待
門開

次韻馬伯庸少監四首

仍歲從前幸山川識重臨蒞帷未濟、馳道止駸、
正月衣裘薄諸生坐席深歸耕何待老莫問二疏金
移譯宮城曙烟花繞閣重來王俱屬籍祿使不傳
賜席還親問囊書更手封忍煩宣室召眠日轉蒼龍
臣甫多愁思長歌拜杜鵑鑿崖通閣道積水放樓舡
惆悵霜橫野樓遲雪滿頭經行看宿草碧色自年
太平和永日漸老惜芳晨論說慙孤李推揚負相臣

退思常感慨拜賜每逡巡郊藪多閒地餘生託鳳麟

春別阿魯灰東泉李士遊甌越

憶昔同經幄春明下玉除掛冠俄去國連舸捲威書
筍脯嘗紅稻蓴羹斫白魚莫言江海遠咫尺玉堂庐

送長沙守

白髮長沙守循良又好文近辭金馬去遠有玉魚分
對竹聽湘雨開簾看岳雲漢廷思賈誼每飯莫忘君

代衆仲作

昔在泉州住將軍每見招春雲山對屋夜雨水平橋
池鴨穿荷葉溪魚上柳條禁城鐘鼓起車馬晚蕭蕭

送王照磨之官雲南

遺廟珍珠浦，歸舟楚道溪。九鸞愁暑雨，走馬畏山泥。
官署尊丹鷲，祠官勝碧鷄。題詩相遠送，紅日五雲西。
八月八日有感題視草堂壁

載筆趨雲閣，探囊索緼袍。坐銷秋日淨，心折夜風高。
識字頭先白，謀生計轉勞。文園多病渴，常想賜蒲萄。

御濟詩次示顯夫園韻

御濟雪融三月初，島鷺鴻雁總未居。蒲萄水綠可為
酒，楊柳條青堪貫魚。逶迤天河起箕尾，滉漾雲海浮
青徐。舟前花落傍九燕隄，上風來濕舞裙翠輦時。苗

金腰裏錦波不着玉芙蓉，渠臨流采玉偏能賦。莫待東
都客問予

題故太子少傅翰林承旨李野齋幽居園

車蓋歸來托遠林，魯山嵩峯魯原深。漁樵相識頻分
席，賓客時過共賜金。百歲儀刑猶近古，五朝文物至
于今。披圖相見登臨地，松滿徂徠起夕陰。

賦張志甫八十

身閱昇平近百齡，顏如玉雪髮如星。遠移湘竹堪扶
老，旧種蒼松已茯苓。頃見大官躬致饋，蚤令掌故口
傳經。古來名士多肥遯，編身題詩歷下亭。

送韓伯高兼憲瀾西

正月樓船過大江海風吹雨洒舟窓雲霄虹蜺橫山
閣潮落龜鼉避石虹闕下諫書誰第一濟南名士旧
無雙湖陰暑退多魚鳥應勝愁吟对怒龍

王氏孝義詩奉元人

陰：榆柳蔭韋村中有烏頭孝義門耕織事均家益
贍總麻親尽義弥敦蜜蜂日暖開窓戶慈竹春深長
子孫先世此邦嘗賜履為歌遺俗却消鳧

寄福建余憲馬外惠

荔子枝頭火芥紅高堂紈扇坐薰風湘筠簟冷魚波

合海柏梁深燕雨通絡緯豈知秋袂薄煖屐長憶曉
食同禁城来看花如錦誰道清霜解慙公

次韻道士瀆神清賦舜粟

帝德無為保太和歷山遺種有嘉禾想經稷教躬耕
治正及堯時擊壤歌旆：九秋新雨露離：千古旧
山河曲肱飲水飢忘肉最憶宣尼感歎多

贈寶神清歸隱茅山

翩：歸鶴自遼東又向茅山擬住冬咏食定依何處
竹結巢應得古時松雪滿空山騎一虎月明秋水佩
雙龍別來彷彿三千步亦欲遥栖第一峯

送宋誠甫太監祀天妃

使者受節大明殿候神海上非求仙廟前水生客疾
止惟中靈語風冷然麗牲有石載文字沈璧用繅求
淵泉賈生何可久不見海若率職君子還

贈昇龍觀主

榻前親製先生號賜身江南謝舜咨太華雲開天使
下少微星動史官知龍滄海曲珠樹虎卧丹房守玉
芝聖主無為千萬壽更應築館候安期

賦壺洲

傳聞海上有玄洲曾是安期日所遊千傾白雲都種

玉一杯弱水不勝舟魚龍夜葭黃金鼎鸞鵠晨朝紫
綺裘波浪不驚星斗近步虛聲裡度清秋

寄趙子敬平章

聞道乘閑入翠微猶愁嵐氣濕人衣道傍野樹飛花
盡溪上春雲作雨歸故日釣系輕在手仙人棋局靜
忘机赤松曾許同千載擬向高秋伴鶴飛

別國史院勅峰石

秋雨莓苔數尺身文章曾見百年人吁嗟一代吳王
威付托諸公製作新垌野有詩皆在魯泰山無刻更
先秦鳳麟一去無消息空使駑駘愧後塵

神鳳琴

鳴鳥人間久不聞遺紋欲托斷琴紋
曾看土鼓歌朝土日亦共陶尊醉
夜分五色雲中迎太乙九疑山下
望湘君采詩應被唐風譜早晚樓
船或祀汾

謝書巢送宣和瀘石硯

巢翁新得瀘州硯拂拭塵埃送老樵
毀壁復完知故物沉沙俄出認前
朝亭翻夜雨天垂藻墨汎春水地
應潮恐台相如今草檄為懷諸葛
渡軍還

題東平王每盛熙明手卷有序

宋宣和手勅一通卷首題識四字我朝

英宗皇帝御書也帝嘗以至治三年正月十五日幸
五華臣有以書此獻者丞相泮住侍側就題以賜之
既歸第曲先盛熙明寫金字佛書一帙贄丞相丞相
曰以此卷贈之且語以其故至順三年三月八日熙
明屬歐陽玄其事于左方

聖代御題前代勅小臣叨脩史臣書事業久為人土
苴文章猶作世璠璣海淪碣石圖空在墓築祁連計
已疎誰識全燕天所靳萬年形勝帝王居

題暖翠亭

老去唯思卧白雲一亭萬竹喜初聞波回曉日駕蒼

並沙散晴烟翡翠分把釣左泉歸衛女乘舟北渚望
湘君誰能獨采薇盈袖却道高寒思不羣

現著色山圖

江樹重々江水深楚王宮殿在山陰白雲窈窕生春
浦翠黛嬋娟對晚岑采玉少時多諷詠江淹老去倦
登臨扁舟却上巴陵去閑聽孤猿月下吟

題画

緝熙殿裡御屏風零落誰收百歲中錦樹總含春雨
露画圍犹是旧青紅花開陌上怀歸燕潮落江頭送
去鴻何似綠波生太液絳桃風急綵舳東

題張希孟中丞送畢中達投點卷後

十年七聘不還朝起為飢民夜駕輶嘉樹百年誰忍
伐生芻一束不能招西州華屋交遊少北海清尊意
氣消欲寫濟南名士傳泉声山影晚蕭蕭

寄泉南三老人

春城連海樹扶疎中有幽人八十餘度信流傳江左
賦伏生零落濟南書鄰翁社舞尊前酒弟子晨炊餒
有魚前代衣冠今絕少故怀三老載安車

白雲間上人度夏

白雲長傍太湖丸忽向西山度釣磯彭蠡小龍邀共

飯潮陽迂客憶曲衣笏因春雨朝、喫橘待秋霜顆
肥我自本名無所住經函松下共紫扉

寄魯學士

往歲樓船過太湖珠簾翠幙設圖書泉南五馬傳登
過又上羣龍進誦餘滿座賓朋尊有酒盈畝稜稻食
多魚趣裝未竟曹叅晚應有賢人載後車

甲戌四月十七日至臨川冲雲寺祝

聖齋罷賦此

郭西寺門雙石頭水檻相對林塘幽白花過雨落松
暝黃鳥隔溪鳴麥秋衰朽虛蒙宣室問淹遲實愛小

苗為貧佛日同僧話滿袖香烟念旧遊

次韻聶空山送杏

看徧生紅雨滿林筠籠遠致百九金遙知過藝心先
喜犹恐微酸齒不禁浅瓊便應催泛蟻封囊何必共
來禽唯當種核成佳樹花繞香坛坐鼓琴

即事四月十六日

卧病丘園忽五年干官此日正朝天縣官称寿邀相
共野老扶藜并不前帶杖文犀看旧賜髮垂明鶴愧
初筵莫愁小邑天光遠朝蓋靈芝五色鮮

予少年過薊門酒樓賦此題日連十八書郡

人疑其為呂洞賓詩也謾記于此

耳目聰明一丈夫
飛行八極隘寰區
剗吹白雪妖邪滅
袖拂春風槁朽蘇
氣侶醅酒
獲國士情如花擁萬
天姝如今一去無消息
只有中天月影孤

李伯宗錄詩

老去逢春祇謾吟
敢煩彩筆為追尋
玉堂天上成塵
夢茅舍山中稱野心
萬里雲霄啼鳥
爪孤村風雨落
花深文章傳世
知何用空使高情慨古今

端午節飲客與趙伯高

龍沙冰井夏初融
簪筆長隨避暑宮
蠟燭烟輕由賈

誼銅盤露冷賜楊雄
南村久病思求艾
北客多情問
轉蓬忽聽滿舡歌
白苧翻疑昔夢倚春鴻

鶴有序

予家有薛少保鶴圖一大軸
先尚書自蜀携至此邑
以為珍玩先叅政晚歲失之
不知所在當時極惋歎
今二十餘年集妻姪浚儀
趙德莊從好事家重購得
之欲集識其故而歲諸篋笥
為賦此

吾家旧物薛公鶴
老氣崢嶸壓九臯
鉄石閣身修足
脛雪霜依骨淺翎毛
通泉久失千年壁
杜甫空吟一
世豪老去思鄉歸
未得時借看倚秋高

周昉画美人图

鳥上雲生日轉闌海風吹面暮寒共春明玉色遺香
降夜定珠光入鏡奩織得鴛鴦成綠皺教成鸚鵡啄
紅甜試令鼓瑟應無語目斷歸帆思未收

費無隱丹室

碧雲雙引樹重；除却丹經戶牖空一徑綠陰三月
雨數聲啼鳥百花風年深不記栽桃客夜靜長笛賣
葯翁几度到來渾不語独依秋色數歸鴻

寄澄湛堂

月中桂子落岩阿想在林間閱貝多持足地神衣拂

石獻珠天女襪凌波香因結願面龍受水為烹茶喚
虎馱寄到竹西無孔笛吹成動地太平歌

賦雪洲

江上經年憶雪多長洲化作玉坡陀旧時射虎迷躑
躑石薄暮歸漁認擁策河伯作宮龍獻璧湘靈遺佩鳳
停移島鷺客舟江花發更待春來生水波

送胡古愚

仙館醉餘千石酒上林吟遍百花風拾遺徒步頭雖
白供奉歸來錦更紅晚下紫微怜病鶴春生綠水送
冥鴻故人江上如相見為借扁舟候秃翁

羅若川画松

暮春多雨晝冥冥，羅^生画松當翠屏。老蛟化作^叙氣黑，
白鶴下啄苔痕青。傳來日暮自篝火，夢入幽岩尋茯苓。
不過胡僧露瓊却，石函自了讀殘經。

挽文山丞相

徒把金戈挽落暉，南冠無奈北風吹。子房本為韓仇，
出諸葛寧知漢祚移。雲暗長湖龍去遠，月明華表鶴
歸遲。不須更上新亭望，太不如前洒淚時。

朝回和周待制韻

三十六竿吹鳳凰，九重春色絢天光。卿雲微動旌旂

暖湛露初晞，草木香。貝葉神師東度嶺，金輿馴象北
浮洋。小臣賦在歌功德，屏手陳詩對日長。

贈道士

神室惟開自洞微，紫烟為戶玉為扉。春容淡薄胎仙
舞，夜景虛明脉望飛。統指夙雷龍睡醒，滿囊雲錦虎
馱歸。猶嫌長物煩聞見，更上高臺一振衣。

贈道士鄒雲山

一片春雲萬仞山，六鼇戴向海波間。金銀樓觀滄龍
戲，日月旌旂白虎閒。換骨有丹宜界服，虐心如水及
秋還。九重元奧蓬萊接，看尔仙依衣篋玉班。

贈魚麈道人

雲霧為衣月作裳天壇獨自禮虛皇龍收古劍沉秋水鶴識神丹起夜光金井有声惟墜露玉階無色乍凝霜無端下界松風動又欲飄然上鳳凰

送朱鄉

羨子南歸好水上過從為我問臨川幾家橘柚霜垂屋何處蒹葭月滿船應有交遊吟遠道好從父老說豐年寒机早晚成春服一一平安報日邊

玉華山

何處清江擁玉華手題名榜寄仙家光疑石殿千年

雪影動銀河八月槎葳蕤寶函騰玉氣說詩瑤席散
天葩奎章閣爽無能賦得似新宮蔡少霞

雙檜軒

素玉旧植魯宮墻雙樹陰、接太行冰雪高寒金節
操雲雷參錯古文章河津此日榮舟楫廟他年待
棟梁會與群龍近葦蓋九天朝日正蒼、

王庶山水

蜀人偏愛蜀江山圖畫蒼茫只尺間駟馬橋邊車蓋
合百花潭上釣舟閒亦知杜甫貧能賦應歎楊雄老
不還花重錦官難得見杜鵑啼處雨斑、

張道士蜀山圖

碧玉參天是蜀山，舊曾飛步歷潺湲。
松風上接空歌外，蘿月長懸合景間。
試劍丹崖秋隼疾，濯纓清澗夜龍閒。
君家虛靖歸來日，丹壺蓬壺為憶還。

畫帟圖贈貞一先生

獵：霜風木葉乾，月明曾過越王山。
青龍久待蟠桃鼎，赤豹相呼守帝關。
終歲采芝茅阜曲，豐年收穀杏林間。
誰家稚子能為御，長與桃椎共往還。

玉堂讀卷

玉堂策士詔儒臣，御筆親題墨色新。
省樹坐移簾底

日宮壺馳賜殿頭，春虞廷製夔龍盛。
漢代文章董賈醇，書閣莫年偏感遇。
但歌天保播皇仁。

謝廬陵兩劉君

扁舟已作度江雲，回首高年憶兩君。
座客頗知章刺史，詩人猶拜杜叅軍。
總看玉樹當春晝，長對青藜過夜分。
它日聚星如可畫，殷勤垂白更論文。

宣和墨竹寒雀

洒墨寫琅玕，深宮春晝閒。
蕭條數枝雪，不似紇干山。

鴛鴦圖

戢翼石梁陰，秋風日夜深。
使君莫行野，江水蕩人心。

畫扇雀竹

咏栗野田暮飛鳴亦求雌誰家江上雨發船歌竹枝

畫雙蝶

舞罷庭花落池邊看睡鳥無端双蛺蝶飛上繡羅襦

題柯敬仲雜畫十二首

北苑今仍在南宮奈老何青山解浮動端為白雲多
雨過蒼苔石雲生楚岸泉幽懷春舟：雜子秀娟：
鉄石餘生色冰霜作曉妍春雷明日起何處尚龍眠
雨過黃陵廟蒼梧雲正愁何時倚虛幌對此滿林秋
江山秋漠：風雨晚蕭：千載誰相識唯應待老樵

昔過篔簹谷鉤衣石角斜擬尋龍竹杖拾得上天槎
黃金千鎖甲瑠玉六簾鉤雨送鴛鴦夢烟籠翡翠愁
娟：生玉潤楚：作金聲羽扇迎風定羊車過月明
峽口春雲重江南夜雨多水深桃葉渡風急竹枝歌
蒼涼初出日黃落早知秋不遇采芝客寧知叢桂幽
明堂要梁棟大匠取脩直鬱屈崖石間秋風動蕭瑟
平陸蒼龍起近山生遠烟前村三萬頃明日水平田

青山白雲圖

獨向山中訪隱君行窮千澗水云：仙家更在空青
外只許人間礼白雲

竹杏沙頭鷓鴣

胡蝶飛來石竹叢
羅襦曾試繡文重
荷花啼鳥銀屏外
卧看窻間碧茸

錢舜舉折枝芙蓉

白髮多情憶劍南
秋風溪上看春酣
剪來一尺吳江水
擬比千花濯錦潭

商德符小景

五老峯前數往來
紫雲如蓋蔭崔嵬
十年京國頻看
最愛高僧坐石苔

題古木畫

高秋木落洞庭空
岳陽城南多晚風
蛟龍夜護玉壇
古劍影長笛月中

子昂幽蘭脩竹

猶時長見揮毫處
脩竹幽蘭取次成
欲把一竿苔水上
鷗波千頃看雲生

送上黨長

春雨人參長紫苗
縣庭無事坐終朝
俯看雲氣千山
表野有新田市有謠

題柯敬仲襟畫

夢裏江南憶舊游
明璫翠佩不勝愁
一鈎織月清如

水吹笛何人共綵舟

題著色山圖

巫山空翠濕人衣玉笛凌虛韻轉微宋玉多情今已老間雲間雨是耶非

子昂蘭石

汀草離離石老蒼行吟何處樂清狂江中遺佩相思久莫待明年春蕨長

題黃敬中虎圖

當時玉帳蜀雲西坐嘯風生草木依傳寫餘威千載外空山藜蘿尚萋萋

初八日校于番庫

元音卷之五終

元音卷之六

孫元理編

揭傒斯字曼碩豫章人集賢學士

去嬾詞有序

江東有一士子留都下三年適要一貴人女為妻久乃知其已有妻子矣一夕逃去因託去婦為之詩非徒欲傳其事抑以示風戒云爾

輕合辭義終苟容希禮遇遠結萬里婚多為才名悞

始與君結好不知君有婦有女嫁他人俱怀托遲暮
青：墻下草生死墻下路媚：道傍花零落無處所
女子失其身何以保貞素既乖百年誰能度對鏡空
悲惜中心良難訴浮萍難為託一木無兩附棄旧屬
新歡新歡漸成故寧當中路折莫被他人去寧老阿
母旁不受他人妬騰身出房闥兩絕無復顧幸願嫁
他人甘心西山樹

贈王郎

王郎楚狂士意氣九秋霜讀書一萬卷下筆數千行
富貴視浮雲况肯矜文章十五耻閭里掉臂辭故鄉

夜宿東海月朝買西州航瞋目王公前結客少年場
一飲或一石一醉或一觴寧揖屠狗客不與俗士當
千金不易啖歲暮單衣裳阮籍在窮途英声連四方
鸞鵠有時鍛反愧燕雀翔世無劇孟交不及青樓倡
燕趙如花人翠袂黃金墻不識豪俊士空媚癡與狂
王郎遠過我坐我枯藜床終夕無酒飲換解歌慨慷
平明別我去極目空茫茫

賦得吳歌送人歸吳中

三月酒如澠高堂系竹停繡筵雙鳳影珠箔亂鶯聲
疊應紅牙拍辭傳金縷名綵雲低不度芳塵暗自驚

花發長洲苑日照闔閭城且奉千金壽寧忘萬里情
題王山仲所藏瀟湘八景圖卷走筆作

瀟湘夜雨

冷、暗江樹荒、楚天路穩繫渡頭船莫放流下去
遠浦帆歸

冥、何處來小樓江上開長恨風帆色日、悞即回
烟寺晚鐘

朝送山僧去莫喚山僧歸相喚復相送山露濕人衣
洞庭秋月

顛氣自澄穆碧波還蕩漾應有凌風人吹笛君山上

平沙落雁

天寒關塞遠水落洲渚闊已逐夕陽低還向黃芦沒
漁村晚照

山市晴嵐

定從海底出且向平沙照漁網未全收漁舟還下釣
近樹叅差出行人取次多板橋渡路口此世几迴過
江天暮雪

孤舟三日住不見有人家昏、竹籬處卻恐是梅花
李官人琵琶引有序

鄂縣亢主簿言有李官人者善琵琶至元十九年以

良家子入宮得幸上比之昭君至大中入事興聖宮
比以足疾乃得賜歸侍母給內俸如故因充且乞詩
于予遂作李宮人琵琶引其辭曰

茫茫青塚春風裡歲歲春風吹不起傳得琵琶馬上
聲古今只有王與李氏昔在至元中少小辭家來
入宮一見世皇稱藝絕珠歌翠舞忽如空君王豈為
紅顏惜自是象人彈不得玉觴未齊樂未停一曲便
賚千金直廣寒殿裡月流輝太液池頭花發時旧曲
未終新解譜新聲萬變總相宜三十六年如一日長
得君王賜顏色形容漸改病相尋獨抱琵琶空歎息

興聖宮中愛更深承恩始得遂歸心時尚被宮中
召強理琵琶絃上音琵琶調轉聲轉澁堂上慈親還
佇立回看舊賜滿床頭落花亂絮春風急

祖生詩

浦城孝子身姓祖自怜性命如糞土生才五歲遭亂
離有母更被官軍虜零丁二十八春秋母縱得生何
處求天地茫茫明月恨江山漠漠白雲愁忽得母書
驚母在看書未盡淚先流書云流落河南縣河南蹋
遍無由見唐州境上忽相逢白髮蕭蕭霜滿面誰知
喜極情轉悲旁人更問初別時千生萬死到今日始

為母子東南歸東南迢遞閣山路入門猶記階前樹
居人傳說尽相看鷄黍提携竟朝暮祖生母子真可
怜少壯離別老大還同時鄉井被兵者几人骨肉能
生全願生母子長壽考四海昇平永相保

居庸行

昔我望居庸南今日出居庸北崑崙爭吞吐風水清
且激凌迤數千里曲折殊未息関門兩向當天開馬
如流水車如雷荒鷄一鳴関吏起列宿慘淡雲徘徊
山盤石圍山如龍石如虎龍怒欲騰虎欲舞太行
行餘勢犹如許昔不容單車今馬列什五至人有道

関門開関門開千萬古

長風沙夜泊

長風沙風沙不斷行人嗟行人嗟奈君何南風正高
北風起大舡初灣小舡喜移舡更近大舡頭不獨風
沙夜可憂但祝行人好心事長江何處是安流茅舍
參差數株柳時平尚置官軍守青裙老嫗詫鮮魚白
髮殘兵賣私酒魚賤可買酒可沽他人心事知何如

夏五月武昌舟中觸目

兩髯背立鳴雙櫓短策開合滄江雨清山如龍入雲
去白髮何人並沙語船頭放歌船尾和篷上雨鳴篷

下坐推蓬不省是何鄉但見雙雙白鷗過

題明皇出遊圖應制

明皇八駿爭馳道還是開元是天寶長安花發萬年
枝不識年華醉中老奎章閣下文書靜衮衣高共唐
虞聖莫言此畫徒爾為千載君王作金鏡

高郵城

高郵城、何長城上種麥城下種桑昔日鉄不如今
為耕種場但願千萬年尽四海外為封疆桑陰、麥
蔭、終古不用城與隍

如武昌發臨川作

江轉欲無路山回忽似圍客程秋共遠物色晚多疑
稍、沙鷗集念、野樹稀武昌夜今夢定有故人知

送鄉人祐上人從師歸當陽

學道玉泉寺從師天子都流年春事半歸路客帆孤
山勢遙連蜀江聲不入吳故園如可到種芋有遺區
南康夜泊聞房阜鐘聲

庐山三百寺何處扣層雲宿鳥月中去歸人湖上聞
入空應更迥近瀑正難分遥想諸僧定香炉上夕熏
史館獨坐

地復天逾近風高午尚寒唐庭松子落歌檻菊花乾

換卷俱千古憂時有萬端
寂寥麟父筆才薄欲辭官

夢武昌

黃鶴樓前鸚鵡洲夢中渾似昔時遊
蒼山斜入三湘路落日平鋪七澤秋
鼓角沉雄遙動地帆檣高下亂
維舟故人雖在多少散
獨向南池看白鷗

送道士薛玄卿歸江東

知君此去漸難招只在人間已廓寥
市上有時逢賣藥山頭何去覓吹簫
仙岩花落溪流滿鬼谷雲間樹影
遙未必故人安隱逸海天涼月夜蕭

小孤山曉發和蔡思敬韻

日落霞明錦浪翻崖傾石削白雲間
乾坤上下雄孤柱吳蜀東南壯此關
神物夜移風動地仙舟曉渡月漫山
回瞻絕頂登臨處空翠溟濛香靄間

歆風臺和李提舉韻

萬乘東歸火德開漢皇曾此宴高台
沛中父老詔敬入海內英雄倒載回
湯沐空餘清酒在風雲猶似翠華來
穹碑立斷蒼烟上靜閱人間几劫灰

送播州楊宣慰歸藩

隻旌遙指洞庭西十乘聯翩度五溪
龍虎親軍魚使節犬狼諸獠入封提
光昭廟祐思波遠風動藩維禮

秩躋北望五雲高
魏闕亦知憂
預在黔黎

送唐尊師祠武昌

龍衣分香下絳霄
羽衣承詔出清詔
朝星臨翼軫
南垂濶神降
虛危北極遙
金殿壓雲開
紫氣玉台和
月合瓊簫
蕃釐更為吾皇祝
下國時豐雨露饒

送唐尊師歸廬山

香炉峯色紫生烟
一入京華路杳然
雲碓秋閑春葯水
雨犁春卧種芝田
書憑海鶴來時寄
削自潭蛟去後懸
忽報歸期驚倦客
独怜微祿負中年

送趙尊師分祀海嶽

仙都道士神明後
几度函香去
祝釐西歷蠶叢瞻
雪嶺雨隨鵬翼到天池
昔聞奉詔分祠日
正是觀風問俗時
宣室豈無前席夜
諮諏應不負驅馳

送大明安治中守沔陽

展驥犹穿魏郡花
分符忽指竟陵瓜
行瞻禹跡過三峽
帶擁羲文望五華
春雨蠶桑魚疇土
秋風魚稻滿負家
亦知王政仁為本
莫厭公田飯有沙

送林彥廣南鎮行香

昔年同事文皇帝
出入千門萬戶中
漢闕圖書觀每遍
周家典祀孝皆通
鼎湖忽送九龍去
石鼓空歌我

馬同今日苗香南鎮去還尋禹穴酹西風

宋徽宗成平殿曲宴祭京園御画御記

東京諸祭滿周行延福成平樂未央千畝松篁籠玉
殿九霄風露濕霓裳君臣契合同先舜禮樂光華滿
漢唐明日圖成仍作記千秋由與監與也

御書雪林二字賜趙中丞應制

聖主揮毫臨秘閣親臣執法坐崇台祥雲五色從天
下彩鳳雙飛映日來政欲清如林上雪已散聞奮地
中雷臣君千載明良合咫尺微垣接上台

憶昨四首

天曆年中秘閣開授經新拜育群材宮門待漏常先
到講席收書每後回召試時蒙天語勞分題不待侍
臣催滿頭白髮丹心在太液池邊只獨來

宮草葱茸禁樹蒼月趣延顛對凝暉朝迎步輦花間
出暮送回壺柳下歸碧殿東浮蒼嶽合金河北引玉
泉肥几回弘慶門前路春氣濛濛欲染衣

已是群儒映璧奎端陽侍燕宝慈西線分學士親臣
送詩賜黃姑御手題注酒含春瑤露重承塵轉午錦
雲低日斜共出西門道既醉犹能散馬蹄

奎章分署隔窓紗不斷香風別殿花苗守日須中賜

果宣徽月送上供茶諸生誦罷仍畚直李士詩成每
自誇五載光陰如過客九旋無處望重華

和張太一秋興四首

翩然公子五雲中夙骨雖殊意氣同道德淵源行地
遠神明台觀存天通欲隨穆滿賓王母更披軒轅相
大鴻南國正秋憂旱暵誰驅列缺起豐隆

蓬萊宮闕赤回闌龍虎神君高步寬朝噉日華當食
穀夜迎天仗識鳴壺露丸仙掌金莖凍月滿玄都玉
佩寒遙想西齋清似水吟詩聽到漏聲殘

太行遥接帝王州西北連山際海稠鶴下靜依仙館

夕雁啼高挾塞垣秋側身天地渾如寄偷眼風雲總
是浮頭應笑白京國裡長年百慮更千憂

霜落燕山軟翠蛾風翻禁樹夕陽多遥聞扈從勞行
役轉恐飢寒損太和朔月先还沾旧制終宵不寐想
鳴珂深息未有捐涓埃補白髮蕭蕭可奈何

李洵字旣之李章閣李士

題漢陽即官湖

山翁薄暮醉酒歸杖藜迷却高陽池清風吹花綠陰
倒我笑謂是秋雲移还乘貫月槎夜過即官湖崢嶸
星斗入江漢蕩漾槎影如鯨魚九華之真人邀我倒

玉壺麒麟擘脯供行厨依稀仙樂在空際碧山四映
寒蟾孤弄酒酌寒蟾明月下飲姮娥俱霓裳排雲錦
萬荷露瀉瑤瑤枝麾幢掩靄羅烟空乃有玉皇所授
之玉童風前聽飄飄曳廣帶对立十二秋芙蓉清香
九曲銀河通真人綠髮披春風錦袍玉雪照天地口
說姓字南安公是公多逸氣畧与古昔賢豪同時能
掃月色延我石室烟蘿中又言昔同張謂所遊地長
笑一覆丹霞鐘風吹仙樂度溪去我已醉卧香炉峯
我本山人素志丘壑獲歸名山為願畢矣奚以四月
十一日離京師是夜抵洛陽慨然賦詩遥慰匡庐隱

者併似金門諸公為一嘆云

野馬脫羈鞅倏疑天地寬臨風一長鳴風吹散入青
冥間頗如魯仲連蹈海不復还又如安期生長苗一
寫令人看江南浩蕩忽如海落日照耀浮雲閱既不
能低眉伏氣摧心顏詭過特達驚冥頑又不能抱書
扶策千萬乘調笑日月相廻盤匡庐迨接仙山仙
翁泛若秋雲間長松之陰引孤鶴望我不見空長歎
采鉛天池津飲淥桃花灣蒼梧倒影三湘寒赤城霞
氣生微瀾鯨鯢翻空海波赤曉色欲上扶桑難人間
之樂兮誠不足恃何婦如歸戩棲崑崙棲岩岫岩穴

夜半天風吹酒醒
猶有西溪萬年月

寄題吳原可

不謂相疎亦自猜
空山旧雨入莓苔
江湖机熟鷗忘
去吳楚年荒雁不來
豪傑何心猶用世
乾坤自古少
伶才向來共醉梅
花下昨夜一枝寒
自開

劉汶字師魯鄜州人尚書

贈劉禹玉

劉郎方朔徒游戲
紫沈海千年華表非
唯有寸心在
向來溯河西雄辨
吞虹蜺手携九節杖
東入蓬萊栖
我時探禹穴同看山
陰雪千人萬人中
恠子独超越

朝騎白鼻騎馬莫
逐油壁車得錢即付酒
携妓顏如花
踏翻豪俠窟醉狎
山人家或嘲狂楚士
或謂報恩子
漫渠立名多詐識
子竒偉一朝去鄉國
北上爭吹噓家無十
金產袖有萬言書
所言果何事為國
非自計寧嘲丞相
嗔肯負丈夫志蹉跎
十數秋甘身黃冠
俦善藏倚天劍未暇
磨斗牛播然走山東
隱跡隨壺公
還尋岱宗去絕壑
凌大風鷄鳴上日
現眼亂扶桑紅
窺臨事未已逸氣
橫萬里行歌奔魯
閭吳為廬山起廬
山秀可餐怡此水
雪顏揮毫洒瀑布
五老開雲閣遠公
拍手笑喜見遺民
還乃知士不偶正
可遊名

山去年卧衡岳，聊憇四海脚。厥垂君平簾，嬾賣伯休
葯。却呼魏夫人，共把流霞酌。今年每山辞，下筆湘水
涓。臨風弟賈傅，酬月招湘纍。文章本踈蕩，強忍終枝
瘡。光怪不可收，倏忽又千丈。有時遇知音，朗咏山中
吟。恐復兕革竟，不得容山林。荏辰忽聚首，慰我別來
久。辛勤四十宿，所菽竟何有。却怀居東時，勇以功名
期。烏知尚漂泊，筋力供路岐。攀林置佳念，此去安所
之。南窺古雲陽，更了山川奇。山川固娛目，慎勿過幽
獨。奈何白雲歌，再送刘十六。乾坤渺蒼茫，迴首卷空
谷。我將秣其駒，乃不受羈束。願子無遐心，歸來返初

服

郭昂字彥高号野齋大名人

客燕

昨夜鄉関入夢遥，月明竟断更难招。髻边白髮秋能
種，囊裡黄金日易消。尺璧自慚投暗室，前途何處是
清霄。龍沙見說難為客，八月共風徹弊貂。

林鎮

江南曲

高、碧雲樓梁、珊瑚鈎娟、一美人烟、明雙眸
妾居湘江尾，君居湘江頭。好風吹桃花，同向湘江流。

黃伯勝

香奩體四首

與君生別離，朱簾長不開。
春風故相撩，燕子雙歸來。
雙：相思鳥，九上相思樹，相思雖不同，是相思苦。
睡夜海棠花，睡足西窓雨。
春夢苦無憑，知在阿誰處。
下階拜新月，空度夜如水。
相思隔千里，未有團圓意。

商榷

水仙花二首

海上三山壁，月明人間誰識許。
九瓊秋風吹上青鸞背，
來散天香，每素英。

明月珠衣翡翠裳，冰肌玉骨自清涼。
不隨王母瑤池去，來侍維摩病几傍。

貢奎 字仲章 宣城人 江西投學

讀馬伯庸李士止酒詩

今晨不可出，大風吹我帷。
陋巷泥沮如，空墻雨淋漓。
研珠課兒書，冥思解群疑。
敲門童子來，袖有止酒詩。
讀之至再三，擊節且喜悲。
若飲以玄酒，揖讓陶唐時。
幾：古冠裳，執彼璋，每圭短褐，纒掩脰，藜藿空忘飢。
夙雅久已衰，作者微君誰。
嗟我重景仰，老大將何為。

司業李公哀挽元禮

山立庾紳聳衆觀名高真不愧儒冠文章清廟藏琛
玉勛業烏壘振羽翰譽重朝端知有子負於身後似
無官百年耆旧凋零尽展卷哀辭忍淚看

謝端

游溪書堂

趙之川濔浸洌易恒滉泚波各異出惟游有溪亦足
足或伏或見舫不容不能百里濔是混：千里俱朝
宗予曩涉河觀湖江踔雲蕩日怒擊撞歸視子游嶺
之漈是游名揚子所始有田有庠水之溪有堂三楹
庠非移中經子史堂右左高曾遺子以自課子延善

繼志不隋菟今撫古扶怪竒泓涵演迤吐為辭副墨
往：傳京師羸金青紫世所取游溪有源子有後斯
堂斯書可世守

陳應麟字信仲

送薩經歷監舶泉南回京

玉立朝班侍紫宸桐邊一見許清真九霄星鳳人間
瑞萬斛珠犀扇外塵行色急催閩海曙吟情遠逐帝
城春相思一夜江花老夢裡猶疑見可人

宋本字誠夫大興人禮部尚書

大都襟詩四首

拋却漁竿蒼海邊
拂衣來看九重天
画闌九陌橋如
月
綠影千門樹自煙
南國佳人玉幼玉
中朝才子杜
樊川紫雲樓上如
渾酒辜負東風二十
年
綉錯繁華編九衢
上林辭賦漢西都
朱門細婢金條
脫紫禁材官玉鹿
廬萬里星辰開上
界四朝冠蓋綉
皇圖東隣白面生
紈綺笑殺楊雄卧
一區
沪海曉月墮蒼烟
十二門開日色鮮
海上神仙非弱
水人間平地有釣
天
宝幢珠絡瞿曇寺
豪竹哀絃玳
瑁筵春雨如膏三
萬里
尽將嵩呼祝堯年
形勢全燕擁地
灵梯航萬國走王
城
狗屠已仕明天

牛相寧知別太平
玄武鉤陳騰王氣
白麟赤雁入新
声
近來朝報多如雨
不見河南召賈生

殿試罷賦

玉堂松檜帶晨霞
遥望宸扆共拜嘉
逢掖諸生袍立
鵠
未央清閭墨翻雅
扶搖九萬風斯下
礼樂三千日
未斜從此君王識
名姓烟波慙愧日
漁家

奉旨降香天妃謝翰林諸公贈詩

皇帝甘泉受計時
宝奩親授走冰夷
今朝朝著張謩
出後夜天文李鄧
知雲統勾吳分貝
闕春生笑筭下
龍墀深慙礼樂光
華外賸得曹刘祖
道詩

改惟德河東人叅政

登岳陽樓

群江西來天與平天壤巨浸開洞度雄吞三湘隘七
澤中蟠萬古君山青我行持節按廣海駟騎暫駐巴
陵城已陵城樓冠天下夙軒月戶雲霧屏平生夢想
今始到危欄乍倚心竟驚初疑太極渾未判日月往
復凌空明又疑此世墜物外弱水萬里環蓬瀛湖山
得意有如此况乃佳客聯簪纓金杯浮動玉色酒滿
怀清思春雲生魚龍掀舞怒濤起眼花落日搖青冥
軒皇廣樂渺遺響芳洲宝瑟愁湘灵丹丘謫仙竟何

謬几欲八表追遐齡孤心未了忠孝願敢念綠髮潛
凋零圣人一視無遠近思夙化雨決四溟尋常笑聚
犬豕尔陣烟一洗霏天清婦鞭咫尺覲慈母細語八
千山水程孰能闢置若新嬾正要磊落肝膽橫飲酣
拂袖下楼去忽随過雁雲边声

李仲渊号冲斋四川叅政

送鮑宗道奉使日南

一介强於十萬兵秋風持節使麓冷可容贊普窺唐
壤要遣莎車拜漢廷唇吐瘴烟黎洞暗鯨掀巨浪海
雲腥元戎已辨安边策萬古千秋汗簡青

送捧詔使

霜落澄江水似藍江亭折柳送髯叅五條溫詔頒天
北一棹清風下斗南父老疲癯沾利澤山川勝槩入
豪談渝城好遇黃花節金碧台高酒半酣

送馮叅政致事

天眷雖隆志叵渝拂衣歸去不躊躇百年喬木推耆
旧九老香山入画圖力疾不辭春命駕感恩直欲夜
含珠冬王已有王金像一舸秋風下五湖

黃清老

字子肅昭武人翰林應奉

燕中懷古章貢侍御

娉婷二八女絕色妙難画新妝薄鉛華照影修竹下
成年事夫婿錦玉耀精舍雖非百鸞妻惓然惜春夜
琴餘月當軒默々倚風榭寄語東家兒紅顏莫輕嫁

送李子威代祀嵩衡淮海二首

群生望甘澤五岳雲氣通天香落岩谷瑞靄春溟濛
海潮天際來金碧森萬峯劃落紫翠堆亭々玉芙蓉
古廟綠竹存迎神奏黃鐘空山遞餘響落花舞青童
南海祝融宅汪洋載神州巨浸涵萬有元氣何空浮
蒼茫島嶼間彷彿通十洲神魚在深淵甘霖何以求
朝折若木枝夕飲桐柏流萬里一瓣香豈徒司馬遊

古詩四首送王君冕歸陝西

麥熟天乍熱開軒理瑤琴
晨有客至一徑蒼苔深
日出樹影倒曠坐分綠陰
清談落餘花松風雜幽禽
君子希道德永言結同心

狂風卷茅屋遙見溪上山
人生有遇合離別何足歎
黃鵠將西歸臨水振羽翰
我有隻明珠置之青雲端
朝：復暮：照君千里還

少年癡山谷壯歲游京師
性本猿鶴群烏能牛馬馳
曩有採薪憂掛冠願為鑿
近得至賢心讀書甘如飴
習貫已成癖豈無君子知

十載官京輦田園就荒蕪
芥烏披婦耕休馬南山隅
奔酒樹色動鶯燕鳴相呼
流水既近君白雲亦邀予
錦囊可贈還愧非明月珠

古樂府二首

君好錦綉段妾好明月珠
錦繡可為服：美令人愚
不如珠夜光可以照讀書

君好春芍藥妾好夏池蓮
芍藥多艷色春風迷少年
不如蓮有實可以壽君筵

夜宴友人席上有懷志能照磨暮春今年
所作因寄

青山林下啼斑鳩，綠楊門前嘶紫駟。落花陣成作春
雨，東風淡、雲悠、美人捲簾日在手。胡蝶飛上珊
瑚鉤，南溪不見筍成竹，撥約滄波同倚樓。

貢闈偶成呈同院諸公

射宮圍棘斷經過，閑却秋声太液波。風定碧簷聞禁
漏，夜殘銀燭見星河。仙人共對青藜杖，詞客孤眠白
玉坡。弱水蓬萊三萬里，不知何處月明多。

雪夜直宿玉堂

琪樹花生禁漏遲，金莖月色近書闈。白雲入水春無
跡，銀漢橫空月有輝。竹靜似聞蒼玉佩，松寒欲傍綠

荷衣。乾坤清氣蓬萊表，獨對天風拂翠微。

張志道別都

竹寺西軒共聽琴，杏花猶記紫囊吟。溪山老我扁舟
與，風雨知君萬里心。滄海夜潮雲漢濕，蓬萊春樹碧
雲深。三年離別尊前話，傾倒何時更似今。

庚午與聖殿進史

瑤編初進侍明光，日麗龍池晝刻長。堤柳染成春水
色，宮花併入御爐香。金壺洒露層階滑，玉梳分冰廣
殿涼。矇眊似知天意喜，鳳笙新奏五雲章。

友人授古樂府因題十絕句

早晚臨粧鏡秋容却玉鈿君心如日月照妾似初年
采苻歸來午花稍日轉廊綠陰涼似水不見洗紅妝
生愛東隣女娥眉画不如近來机杼廢臨得右軍書
漫道從軍樂夙霜只独知三年遼水上不得一行書
海上扶桑景清光日見君祇愁風雨夜西北有浮雲
夜今中秋月含情独上楼良星三兩點偏照玉簾鉤
自見南樓月頻、夢楚州無端今夜月祇作小山秋
露井疎桐晚風亭碧藉秋捲簾三月上水宿見隻鷗
堂上春花落流泉日繞山願為隻白鶴雲路載君还
天子西巡狩彤弓錫虎臣樓蘭何日斬看汝麒麟

王沂字師魯襄陽人博士

廣陵岳宮登瀛橋為王高士賦

登瀛桥上登瀛客曾向瀛洲採玉芝鸞鶴雲間朝斗
夜魚龍波靜步虛時杯浮翡翠蘭苔影袖拂珊瑚鉄
網枝安得琴高騎赤鯉傳書海上問安期

次韻宋誠夫上都書事

日边音問及滄浪知有九鴻拂建章黃帽折腰慙鄭
老青雲回首憶韋郎持竿寧解遮西日賜履还看出
尚方惆悵平生一杯酒鬢毛林葉兩蒼々

寄曹子貞

黃金台下旧騎驢曾記含香侍玉除禹穴有人尋李
白甘泉無賦似相如潛鱗解舞湘灵楚病鶴難傳閩
苑書遥想論思翔集地紫薇花點綠苔疎

送馬伯庸

社燕秋鷄十二春相逢疑是爛柯人公車未索長安
米野服曾沾輦路塵日麗天門戾虎柝波搖宮瓦動
龍鱗懸知進諫金華殿五色雲中拱北辰

周叔字衡之号此山枯倉人

紀信嘆

沛中龍奮礎礪雲咸陽楚炬三月焚兩雄角起鹿在

野三戶有楚魚強秦貔貅百萬紛如雪戈矛尽染英
雄血旌旂曉蔽天河雲兵塵夜暗中原月蒙陽數載
戰不休重圍食尽漢亦憂將軍詐帝出降楚脫帝虎
口真良籌魚何諸將已平楚事定論功裂茅土独魚
旌美到將軍不得褒名紀盟府男兒死節志已酬
目地下夫何求吁嗟功怨俱悠々漢廷雍齒还封侯

子陵釣圖

東都熱官手可炙吳儂面似秋江色平生落拓一羊
裘七葉貂蝉不堪易功臣尽在雲台中丹青化作灰
塵同先生遺像乃在此釣竿尚裊桐江風悠々世事

江雲白過眼輕帆自朝夕人間萬古仰孤風
天上有星猶是客

九日

座上風流憶孟嘉登高目斷楚天涯
百年歲月催蓬髮半世江湖負菊花
小雨釀寒侵白苧西風憐醉避烏紗
閒携榔栗吟歸路流水殘雲帶晚霞

次韻友人

司馬山川憶壯遊袖中劍氣尚橫秋
怀人空有春天花葉與都無
夜雪舟年少文章慕西漢風流人物擅
南州縛麟老手今無几不數當年趙倚樓

多景樓

北固峯高翠色浮斷崖千尺障東流
誰言宇宙無多景今見江山第一樓
雲氣曉含簷箔雨濤聲夜落海門秋
客來莫問孫劉事狼石苔深萬古愁

關下遙瞻

乾坤瑞氣藹燕山天仗初開虎豹關
金爵觚稜銀漢上玉堦平城綵雲間
紫泥香暖春宣詔清蹕聲虞曉曉
班千載明良今慶會嘉喜看新雨滌塵寰

羅澗谷

幻輿折齒歌

秋衫未成錦机語棠梨半花鳳一羽象林雪綵小龍
梭細穴銀光吐冰綫西隣郎君東海歸芙蓉半白杏
雨肥十二欄邊說幽怨勸織南浦鴛鴦九合蘭匿意
無消息春醒彤霞漾玉色小龍呵出風雨聲奔騰觸
裂霞白石白石國城三十六女子軍來兩城覆鸞歌
猿嘯強激昂百戶風來如箭簇章台公子真豪縱復
以微言相感動郎君切莫更癡心忍作甘心可人痛
胡尊生

送君進周公

憶君初來湖水金鱗引火春波暖江南早晚雪花

九蒲帆下水送君歸霜風浙瀝湖光晚白魚粳米中
流飯回頭咫尺庐山雲一寸心長帆力短臨分乍覺
過重圍金螺移在雙翠眉唾：靈鳥啼樹枝家人夜
：卜蛛絲雪醅新釀都昌酒欲來不來待君久人言
遠歸勝新婚稚子亭衣婦攜手窓前紅燭宵彈碁新
歡滿眼寧相思江南今歲梅開遲贈君無花折空枝
明年花開來不來

瓊花上天

無雙亭前浮冷月蕪城暗鎖新烟黑仙兔夜吟天欲
泣巫陽下招九玉勅神風鬼雨鞭車急一株玉雪：

中立金瓶歲、朝衣龍異香蕩漾天水濃蓬萊峩、
高北斗玉佩沉、舞衰柳瑤京三月銀雪九瓊仙瑤
仙招不歸釣天夜奏紫皇醉二十四桥寒浸水

金莖承露

蓬萊仙人騎黃鶴來遺劉郎不死葯銀漏無声秋夜
深時見星河頭上落精金糾錯蛟龍蟠未央闕角觚
稜寒莫教仰見怀中物直是他年隻淚痕桂房枿壁
芳蘭老留得新愁向雲表犹逐官車漢閔茂陵蘭、
濕青草

陸文生

燒筍賦

先生朝盤厭苜蓿筍味得全差勝肉蒼頭掃地犀角
出赤燄燒空龍尾秃土膏漸渴外欲枯火灰微濕中
已熟撥灰可惜衣殘錦解穉犹怜膏濯玉青、無系
長規孫草、為人供口腹李家丞相蒸葫蘆石家美
人煮粥(豆去毛)苜頃有何好持韭作齏空自速不如
野人工食淡自办行厨又入修竹句裡曾忝玉版師
胸中今看篋籥谷主人不問不須嗔昨夜西風響林
屋

胡東

贈別二首

杜鵑啼血正傷神
又向尊前送遠人
君到瀘溝看流水
落花猶是禁城春
一絲春動柳枝柔
塵壓征鞍駐紫騮
莫惜尊前更斟酒
醉後別去不知愁

元音卷之六終

